

F. L V Y S I I L E<sup>2</sup>  
G I O N E N S I S A V G V -  
stiniani diuinorum librorum  
Primi apud Salmanticenses  
interpretis.

I N P S A L M V M V I G E S I M V M -  
S E X T V M E X P L A N A T I O .



S A L M A N T I C A E,  
Excudebat Lucas à Iunta: M.D.LXXXII.  
C V M P R I V I L E G I O .

EST. Aobra es Catholica de buena y sana  
doctrina, puede se imprimir con utilidad  
y fruto de los fieles. En Madrid, catorze de  
Março, de mil y quinientos y setenta y ocho  
años.



ILLVSTRIS-  
SIMO D. D. GASPARI  
Quiroga; S. R. E. Cardinali, Archie-  
piscopo Toletano, rerum fidei su-  
premo iudici. F. Luyfius Le-  
gionensis Augustinia-  
nus. S. P. D.



*ES aduersas, Qui-  
roga Cardinalis am-  
plissime, vulgo homi-  
nes in malis ponunt,  
Stoici in fugiendis nu-  
merabant, rectè autem instituta ratio,  
disciplinaque Christiana in bonis ducit.  
Non quòd acerba, & amara, amara &  
acerba non sint: sed quod ægris amara  
quæ sunt, sepè sint salutaria. & gropa-  
mus autem omnes: laboramusq; alij alijs  
animorum morbis. Quamquam & sepè  
bonis præsertim, & Dei amatoribus*

Viris id accidit, ut isthæc non solum uti-  
lia ipsis sint, sed etiam ut acerba esse de-  
sinant: atque adeo ut gustatu, atque per  
pesu dulcia illis & iucunda reddantur:  
tanta est Christi Dei erga eos qui om-  
nes suas spes in ipso collocant dulcedo,  
atque bonitas. Quod & ipse, tametsi nul-  
lo modo is sim, qui numerari seruis Dei  
possim, tamen benignè mecum Deo, &  
clementissimè agente expertus in me  
sum, illo meo calamitoso, ut vulgo iudi-  
catur, & misero tempore: cum quorum-  
dam hominum artibus in suspicionem  
læsæ fidei criminosè vocatus, semotus  
ab hominum non solum sermone, & con-  
gressu, sed etiam aspectu, per quinque  
ferè annos in carcere, & in tenebris ia-  
cui. Ea enim tunc animi quiete, atque  
letitia fruebar, quam nunc luci reddi-  
tus, & amicissimorum mihi hominum  
consuetudine fruens, sæpe requiro. Ut

mirari

mirari satis non possim, quantus in humanis rebus error, & deceptio versetur, quamq; ab eo quod sunt, pleraque res alia esse credantur. Illa enim quæ mala esse magna omnes putant, & certè, ipsa per se si spectentur, sunt maxima. nihil enim eorum, quæ, vel animum ægritudine afficiunt, vel corpori molestiam afferunt, ab illa abesse vita putandum est. sed quæ mala creduntur maxima, ea expertus sum voluptatibus dulcissimis esse plena. Neque id totum ex eo erat, quod me optimæ mentis meæ conscientia consolaretur, quamquam & ea me sustētabat plurimum: est enim illius magna vis. sed conscientia recta, ut æquo animo feras aduersa facit, non autem iucunda ea ut sint, efficit. Itaque leniebat ægritudinem conscientia, sed quod me potissimum consolabatur, neque consolabatur solum, sed & letitia interdum

perfundeat trinitas, quantam non queo  
dicere, vis quaedam bonitatis Dei erat  
immensa, & incredibilis. Quae de vi, ac  
bonitate diuina, illo, quod dico, tempore,  
dum extare mihi eius otij aliquem fructum  
volo, & legendo assidue, atque scribendo,  
a molestis cogitationibus animum auoco,  
in vicesimum sextum Davidis Psalmum  
quaedam sum commentatus: quae nunc cum rele-  
mita me affecerunt, ut ea non inuti-  
liter edi posse, censerem: quod item alijs  
nonnullis visum est. Itaque illa nunc edo.  
Edo autem, Cardinalis illustrissime, sub  
tuo nomine ea de causa, quod per te pro-  
fecto habeo, ea ut possim edere. Nam cum  
causa, lisque mea saepe cognosci coepta,  
eius cognitione varijs rationibus inter-  
missa, & in aliud tempus dilata, ita pro-  
duci videretur, nemo ut vires, aut ani-  
mi, aut corporis mei tanto oneri suffe-  
cturas esse speraret: tu, ea ut cognosce-  
retur

retur, atque terminaretur æquum esse  
censuisti: cognouisti que eam ipse per te:  
& eacognita, atque eius veritate per-  
specta & crimine, & suspitione crimi-  
nis ex solutum: libertati que, ac digni-  
tati meæ pristinæ redditum, me tandem  
meis, meosque mihi restituiisti. Quo be-  
neficio nullum maius in hoc genere, ne-  
que à bono viro optari debeat, neq; qui  
ipse bonus sit vir possit cuiquam tribue-  
re. à te certè nihil aliud expectandum  
fuit, qui tametsi virtutibus sis ornatus  
omnibus, tamen præceteris vnam iusti-  
tiam ita coluisti. & adamauisti semper,  
ea vt te summa integritatis laude com-  
mendatum, per omnes honorum gradus  
ad id, in quo es, fastigium euexerit. Quo  
etiam mihi gratius, & honestius fuit  
absolui tuo iudicio, hoc est, vt ego inter-  
pretor, & vt omnes, quibus tua est no-  
ta virtus: cui autem ea sit ignota, quæ in




clarissima luce, & maximarum rerum  
administrationibus sit semper versata?  
Itaq; eo mihi gratius fuit iudicio absolui  
tuo, id est, iudicio, ut omnes norunt veri-  
tate ipsa subnixo, non gratia alicuius  
eblandito, aut expresso. Quare integri-  
tas tua, innocentie mihi magnū testimo-  
nium reddidit, eademque effecit, liceat  
ut mihi lucis iam, atque vitæ libero usu  
fruente, huius generis quædā edere: eis-  
que edendis & ad te mittendis, non so-  
lūm accepti abs te beneficij memorē me  
esse ostendere, sed etiā mei memoriam  
in te renouare. Sed alia aliās. nunc huic  
libello velim pro tua humanitate, des lo-  
cū inter tuos libros, paruo illi quidē, sed  
quamuis paruo, tamen & multis nomi-  
nibus tibi à me debito: & meæ in te  
summæ obseruantie omnibus fi-  
dem facturo. Vale.

\* \*

\*







# I N P S A L

M V M V I G E S I M V M

S E X T V M E X P L A

N A T I O.



VAMQVAM hic  
Psalmus apud He-  
bræos *αὐτὸν γὰρ* est,  
id est, sine historiæ ar-  
gumēto, tamē, quod  
è Græca inscriptione

colligitur, videtur scriptus à Dauide es-  
se, quo tēpore Saulē fugiebat, atq; ea oc-  
casione potissimū, quod ad ipsum Ceile  
cōmorantē cōfugisset Abiatharus sacer-  
dos, eiusdē Saulis & ipse iram, & crudeli-  
tatē declinans. Nā cum Dogeus quidā  
genere Idumæus Saulis Regis libertus,  
ad ipsum Regē detulisset Nobe in ædi-  
bus summi Sacerdotis Achimelechi, Da-  
uidē versatum, ab eodē fuisse adiutū, &  
cōsilio, & armis, & cōmeatu: ira exarsis-  
se Saul scribitur: & vt sunt Regum in ira  
præci-

præcipitia consilia, Achimelechum ipsum ad se accersitum, & cum eo magnū sacerdotum numerum ferro interemisit, & urbem Nobem, ad quam, ne suspicio quidem criminis pertinebat excindi mandasse etiam traditur. Hac igitur ex cæde, & urbis ruina tanta, vnus cum euassisset Abiatharus, Achimelechi summi Sacerdotis filius, & ipse Sacerdos summus ad Dauidem se contulit, cum deferens Ephod. Id autem fuit apud Hebræos sacræ vestis genus, quo sacerdotes illorum cum diuina responsa requirebant, semper utebantur. Quæ res Dauidi dubijs in rebus præsidio ac saluti fuit. Nam quoties consilia sua explicare ipse non poterat, quod vel imminere sibi, aliquod periculum metuebat, vel hærebatur in rebus dubijs, oblata sibi sacerdotis, & sacræ vestis opportunitate utebatur, & per Abiatharum diuinum consulebat oraculum, eiusque admonitu quæ instabant, mala declinabat. Cuius rei experimentum cœpit, paulò post Abiathari ad

ri ad ipsum aduentum. Opem ferebat 2. Reg. 23

Dauid per ea tempora Ceilæ Iudæorum  
vrbi, cuius ex agro hostes Syri prædas  
agebant. Id cum Saul cognouisset Dau-  
idem, videlicet, Ceilæ versari opprimen-  
di eius occasionem, cui rei semper studio  
imminebat, eam optimam arbitratus,  
comparata militum manu Ceilam ver-  
sus ire cœpit. quod cum incertis rumo-  
ribus fama ad Dauidem pertulisset, suspi-  
cio illi obiecta est, & metus non leuis,  
num se Ceilani prodituri essent: & Sauli  
tradituri. Quare Abiatharū adiens Deū  
per ipsum consuluit. cumque oraculo  
didicisset, fore magnum vt vitæ pericu-  
lum adiret, siquidem, diutius Ceilæ mo-  
raretur, ob Ceilanorum in ipsum perfidi-  
am, Ceilam maturè reliquit. Igitur in  
ipso aduentus Saulis & copiarum ab ip-  
so comparatarum primo nuntio, atque  
metu: vel certè statim postquā oraculi  
admonitu laqueos exiit Dauid, in quos  
imprudens se induit, credibile est hunc  
Psalmum esse confectum. cuius exordia  
gratu.

gratulatione, de periculo, quod Dei ad-  
 monitu euaserat, cum tacita quadam &  
 amara hostium suorum irrisione con-  
 stant. extrema verò in imploranda, ac  
 sibi amplius concilianda Dei ope, atque  
 gratia, ad ea propulsanda, pericula, quæ  
 restare videbat, versantur. in quo etiam  
 mentio quædam fit eius temporis, cùm  
 in tabernaculum Dei ex fuga primum  
 se recepit: ibique delituit, eo usque, quoad  
 se ipse collegit. cuius diei atque facti re-  
 cens, scilicet, memoria adhuc in illius ani-  
 mo residebat. Cum igitur sanctus Da-  
 uid partim lætaretur, quod oraculo ad-  
 monitus præsens periculum vitasset:  
 quodque sibi potestas esset, Deum quo-  
 ties vellet suo arbitratu rogandi: partim  
 sibi adhuc vehementer metueret, ab ho-  
 stibus suis, quorum quamuis impias ma-  
 nus effugerat, tamen illorum cruenta  
 odia, & insidiæ perpetuæ, quem tandem  
 exitum habituræ ad extremum essent per-  
 timescebat: cumque ob eam causam flu-  
 ctuaret animo, alternis & spei, & timo-  
 ris

ris fluctibus agitatus: tandem ab ipsis  
experimentis fiduciam concipiens, Dei  
auxilium sibi non defuturum, inanes il-  
los, & degeneres metus coërcuit: & tran-  
quillitate animi, ac serenitate constitu-  
ta, latus ac bonæ spei plenus, in has vo-  
ces prorupit. Dominus illuminatio  
mea, & salus mea, quem timebo? Quas  
quidem voces ita David ex sua persona  
protulit, ut prophetico, quo excelebat  
spiritu in Christum Iesum, cuius huma-  
na vita, quamvis ærumnosa, & telis ini-  
micorum obiecta tamen summis Dei  
præsidij communita foelicissimum exi-  
tum erat habitura, optimè quadrare præ-  
viderit: & ex persona illius præcipuè ac-  
cipi voluerit. In quo etiam illud intelle-  
xit, formulam quandam cum Deo agen-  
di, à se in hoc Psalmo præscribi, qua cun-  
cti ærumnosi, atque miseri, qui in vnius  
Dei præsidio confiderent, communiter  
uti possent. Quæ res nobis in causa fuit, ut  
huc præcipuè Psalmum interpretari velle-  
mus, quod eius pleraq; omnia, hoc meo  
tempore



tempore aptè à me, & verè vsurpari pos-  
 se viderem. Ab inimicis enim meis, quos  
 non iniuria aliqua ipsis à me illata offen-  
 dit, aut læsit; insidiosissimè circumuen-  
 tus, & calumnijs oppressus: non solùm  
 pristinis meæ vitæ bonis, atque ornamē-  
 tis careo, sed etiam hoc communi spiri-  
 tu, atque libero excludor. Quo in malo,  
 hoc vñ solatio me consolor, quo ex sa-  
 crarum literarum lectione, & medita-  
 tione diuinæ bonitatis afficior. Nā cum  
 aliquid benignè & misericorditer à Deo  
 factum, aut cum innocentem aliquē de  
 inimicorum manibus liberatum in eis li-  
 teris lego, aut cum Dei prouidentiam at-  
 que bonitatem Dauidem ita pleno ore  
 prædicantem in his carminibus audio;  
 suasque in Deo omnes spes collocātem  
 ipsum conspicio, diuinę mihi bonitatis,  
 atque prouidentię in animo tātum elu-  
 cet lumen, tantaque excitatur, atque exi-  
 stit in me bona spes: vt minimè dubitē,  
 quin nostris ille rebus, id est, veritati, cu-  
 ius nunquam deserit patrociniū, sub-  
 uentu-

uenturus aliquando tandem sit & magnum, atque præsens auxilium allaturus. qua spe fretus omnes huius mei casus molestias facilè, & æquo animo perfero. nonnunquamque & ipse cum Davide dico. Qui tribulât me inimici mei, ipsi infirmabuntur, & cadent: illudque sæpiùs, quod in hoc ipso carmine scribitur. Insurrexerunt in me testes iniqui, & mentita est iniquitas sibi. meque rursus illis verbis confirmo. Quoniam pater meus & mater mea dereliquerunt me, Dominus autem assumpsit me. illisque maximè. Si consistent aduersus me castra non timebit cor meum. Si exurgat aduersus me prælium in hoc ego sperabo. Sed de nobis aliàs nunc Dauidici carminis interpretationem aggrediamur, quod ex persona Dauidis nobis enarrandum in primis est: sic tamen ut cum visum fuerit ad Christi personam propriè, & ad miserorum communem causam vniuersè tractandam, liberè digrediamur. Iam igitur quid dicat, audiamus.

DOMINVS illuminatio mea, & salus  
mea quem timebo? Dominus protector vitæ  
meæ, à quo trepidabo?

IVRE tu quidem ista sancte David:  
nam si Dominus lux tua est, quæ tanta  
malorum nox potest irruere, quæ men-  
tem tuam tenebris errorum inuoluat?  
Si idem salus, quis tibi à morte potest in-  
ferri timor? Si robur tibi, atq; vires Deus  
suppeditat, quem contra, quamuis infe-  
stus. hostem non consistes? imò quas ho-  
stium copias non delebis? Tria bona  
cómemorat, lucem, salutem, robur, qui-  
bus animi vita continetur. Etenim toti-  
dem infestamur malis. Nam, aut igno-  
ratiæ tenebris à vero aberramus, aut ani-  
mi imbecillitate, & tanquam morbo, à  
recto deficimus, aut hostili, & externa  
vi impellimur ad malum. Itaque nostri  
Theologi beatæ vitæ consequendæ ra-  
tionem, & instrumentum omne in his  
rebus positum & collocatum putât. Pri-  
mum, si Deus nostræ menti veritatis lu-  
men præferat, deinde si infusa cœlesti iu-  
stitia

stitia animum languētem sanet. prostremò si aduersus hostiles infestationes, & insultus continenter ipse nos protegat, & robur adijciat ad perseuerandum in bono. Atque vt isthæc Deidona in se agnosceret sanctus Dauid: & ea cum lætitia & gratulatione prædicaret, rebus ipsis, quas paulò antè expertus fuerat, adducebatur. Nam cum Ceilæ in maximo vitæ discrimine versaretur, idq; ignoraret ipse, Deus illi, & dubitanti lumen oraculo prætulit, & periclitanti salutem fuga attulit, & fugienti pro arce munitissima fuit: quippè qui illum in tutissimis locis collocarit. Itaq; lumen ad oraculum redditū, salus ad declinationem instātis periculi, protectio ad opportunitatē loci editi, atque muniti in quē se contulerat, referenda sunt. Quibus rebus cōmemorādis cū sibi Dauid gratulari intelligēdus est, vt ante dixi: tū etiā confirmare & erigere animū suū, ad deinceps intrepidè agendum, & si quæ adhuc timoris vestigia in eius mente remāserant, ea

huius à Deo accepti beneficij recordatione delere, atque obliterare, & cū animo suo quodammodo ita loqui censendus. Quid agis anime? quid sic paues? quidve causæ habes, cur iam amplius sollicitere? est ne in quo nocere tibi hostes tui possint? num dolo te, aut cōsilio præuertent? num viribus aut copijs superabunt? Deus tibi lumen præfert, quid agere, à quo tibi cauere debeas per singula momenta te docet: Deus ponit pedes tuos tanquam ceruorum, & in excelsis, atque munitis locis ab incursum inimicorum te tutum constituit: idem exhibet se tibi & in itinere ducem, & in fuga comitem, & in exilio socium: idem & in rebus dubijs consilio, & in anxijs solatio, & in formidolosis ac periculi plenis auxilio te iuuat: scis hæc ita esse, expertus ipse es: degenerem ergo, & inanem timorem pone, atque abijce. etenim tam longè abesse debes ab eo, quam longè abes à periculo, à quo, quando salus tua Deo curæ est, profectò abes longissimè. Sed

Dauid

Dauid optimus vir, atque sanctissimus, ut de fauore, & auxilio Dei lætaretur, adducebatur ijs beneficijs, quæ paulò ante plurima, atque maxima Deus in ipsum contulerat: ut verò speraret, id sibi perpetuum futurum, egregia quadam, qua se pollere apud Deum nō nesciebat gratia, consequebatur. Nos autem quicumque eiusmodi sumus, ut cupiditatibus deuicti nostris Deum nobis iratum, nostra culpa reddiderimus, cum mala insurgere & obsidere nos incipiunt, cumque incidimus in aduersam aliquam, & acerbam fortunam, qua spe niti poterimus? ad cuius auxilium confugiemus? cui salutem commendabimus nostram? quibus copijs confisi minas, & insultus malorum despiciemus? vtrum nobis peccatoribus, & flagitiosis, & à Dei gratia nostro peccato repulsis, idem quod homini sanctissimo dicere atque iactare licebit? Dominus illuminatio mea, & salus mea quem timebo? Est ille quidem lux, atque salus proposita omnibus, sed

ego miser meis peccatis, me ea luce priuaui, & indensissimas tenebras cōieci. Adfert Deus salutem, quod ad se attinet vniuersis: sed ego peccando salutem diuinam à me repuli, & perniciem certā mihi accersui. Quid ergo est? deficiam animo, & aduersis succumbam: me quē inimicis meis vinciendum, & constringendum tradam? minimè istud quidem, vt cedam atque deficiam. resistam potius atque hoc ipso acrius ac vehementius, & precibus, & votis contendam. etsi mihi facultatem mea flagitia ademerunt cōmuniter cum Dauidē dicendi. Dominus illuminatio, & salus mea quem timebo? at profectò nulla res obstiterit, quo minùs submissè & suppliciter dicā. Domine, esto lux mea: esto salus mea ne timeam. Quare desperet nemo, nec se ab huius orationis cōmunionē exclusū quis putet. nā siue gratia apud Deum valet, & potest certè idem quod Dauid verè dicere: siue gratia Dei priuatus est, & potest pœnitēdo assequi idem vt dicat.  
quando



quandoquidem quā certum est Deum  
 suis pro luce in rebus turbidis, & pro sa-  
 lute esse: tam exploratū esse debet eorū,  
 qui desertā iniquitate ad hunc numerū  
 bonorum virorum aggregare se velint,  
 nemini aditum intercludi. Nā quī fiat,  
 ut Deus ad bonam mentem redeuntē  
 ab se repellat, qui viā atque virtutis obli-  
 tos, & in peccatis morantes blandissimē  
 vocet? Vocet dixi. imò hortetur, imò il-  
 lis, modo ipsum audire velint, non solū  
 delicti veniam, sed iustitiā, atque gratiā  
 apud se magnum gradum, firmumq; ad  
 bene viuendum suā providentiā præsidi-  
 um, atque adeò post bene actam vitā  
 opes immensas, & præmia sempiternā  
 polliceatur. Venite, inquit, ad me om-  
 nes qui laboratis, & onerati estis, & ego  
 reficiam vos. & per Prophetam, Prope  
 est Dominus omnibus inuocantibus eū,  
 in veritate. Quare si propè adest, vel cer-  
 tē quoniam semper propè adest ijs, qui  
 ipsum inuocant, opem paratus afferre:  
inuocemus audacter ipsum omnes, &

*Matt. II.*

*Psal. 144*

cum Dauide dicamus alacriter: tum illud. Dominus illuminatio mea, & salus mea, quem timebo? Tum hoc quod statim subiicitur.

*DVM* *appropiant super me nocentes; ut edant carnes meas: qui tribulant me inimici mei, ipsi infirmati sunt, & ceciderunt.*

**QVOD** Dauid dixerat à Deo salutem atque præsidium sibi esse paratum, quodque ea de causa imperauerat animo suo, nullos ut hostium conatus motueret, id nequis fortasse arbitraretur, ab inani fiducia potius, quam à veritate ipsa profectum, & arrogantius, quam verius dictum esse iudicaret: argumēto ducto ab ijs rebus, quas expertus ipse in se esset probat, atque confirmat. Cū enim, inquit, aliquando hostes in me irruiſſent, feri, & cruoris auidi (quod vel ad illud tempus cum domum ad Dauidem à Saule sunt missi satellites, qui illū cubantem obtruncarent, vel certè ad hoc, quod dicimus, fugā euasiſſe periculum, quod ipsi à Ceilanorum perfidia

immi-

imminebat, est referendum.) Igitur, inquit, cum odio inflammati, & sanguinis mei hauriendi cupiditate incensi, sæui, atque truces hostes instarent, mihiq; ipsi nulla expediendæ salutis commoda ratio videretur esse reliqua, in ipso illorum ad me opprimendum cursu, & lætalem plagam inferendi temporis articulo, illi spe sua frustrati miserè corruerūt: ego autem lætus euasi. Quæ huius versiculi sententia, etsi satis commodè expressa est, in ista, qua vulgo vtimur iurè probata, & cunctis Latinis editionibus antelata editione Psalmorum: tamen mirè elucet in Hebraico sermone, verbum, si pro verbo reddatur, hoc videlicet, modo. In ipso appulsu nocentium aduersus me, ad edendum carnem meam. hostes quidem & inimici mei in me, at ipsi impegerrunt & corruerunt. Sic enim legimus inimici mei, ה. cuius vocolæ hoc loco magna vis est ad irruentis, ut diximus, & iam plagam penè inferenris hostis incursum declarandum. Quod au-

tem septuaginta interpretes verterunt  
~~κακοι~~ id est nocētes, & Hieronymus  
 in germana illa Psalmorum ex Hebræo  
 traductione vertit maligni, id, quoniam  
 Hebræū verbum מרעים paruopuncto-  
 rum vocalium discrimine, vel malefaciē-  
 tes significat, vel amicos, fortasse aliquis  
 hoc potius modo, isto loco id verbum  
 accipiat, nulloque recti sensus periculo  
 vertat. Dum appropiant super me amici  
 mei, vt edant carnes meas: eos vt homi-  
 nes Dauid simulatè appellet amicos, qui  
 cū amici illi esse deberent, quod ab eo  
 multis ac magnis beneficijs affecti essēt:  
 necē tamen ei, & interitum moliebātur,  
 quales erant Ceilani. Nam quos capitis  
 sui periculo ab hostium incurſu tutos  
 reddebat ipse, quosque ob recens bene-  
 ficium fideles futuros arbitrabatur sibi,  
 eorum perfidia penē proditus fuit. Hos  
 igitur, atque his similes alios appellat so-  
 dales suos Dauid, omni, scilicet, hoste no-  
 centiores amicos: vtrosque autē, & hos  
 fallaci specie tectos inimicos, & illos

aper-

apertos & profectos suos hostes, Saulē,  
Saulisq̃ue satellites, quos יצא id est, op-  
pressores suos vocat, in ipso aggressu, &  
prædæ capiendæ articulo, præda è mani-  
bus ipsorum elapsa fallos spe, atque delu-  
sos, turpiter corruisse cum gaudio, & irri-  
sione commemorat. Atque harum qui-  
dem rerum, quæ his duobus versiculis  
continentur: nimirum, & periculi ami-  
corum fraude creati, & belli per eos qui  
se profitebantur hostes illati, & ad oppri-  
mendum hominem innocentē coitionis  
factæ ab vtrisque; ad hæc in ipso penè cer-  
taminis conflictu diuinitus oblatis præsi-  
dij, cū innocentis salute, & hostiū igno-  
minia atq; ruina, tanquā vestigia quedā,  
atque signa, in ijs rebus, quæ Dauidi eue-  
nerunt, reperiuntur impressa: cæterum  
vera species eorum omnium, veraq; ima-  
go, in Christi Iesu humana, atque mor-  
tali vita sic extat, vt minimè dubitari  
debeat, quin eam sibi propositam habue-  
rit Dauid, cum ista canebat. Nam vt  
præteream, quæ superiori versu dicun-  
tur,

Coloſſ. 21.

tur, proprias Chriſti voces videri. Etenim alij, quamuis iuſti viri, de diuina luce ſplendoris aliquid ad ſe deriuant, & de immenſis Dei opibus nonnullas ad ſe transferunt copias, & de illius infinita vita, non nihil quod tamē ipſis ſatis, ſuperque ſit, hauriunt & accipiunt: ſed, vt hoc verum ſit, tamē nemini ipſorum datur, ipſa vt met vita, atque luce Dei viuat, atque illuſtretur. At Chriſto Ieſu, in quo corporaliter, vt Paulus ſcribit, plenitudo diuinitatis inhabitat, communione quadam diuinorum bonorum, & cum Dei verbi perſona humanæ naturæ ineffabili vnione, ipſe Deus pro ſalute, pro vita, proque fortitudine eſt. Itaque vt hoc prætermittam, propriè Chriſto competere vt dicat. Dominus illuminatio mea, & ſalus mea quem timebo? quis hunc alterum verſiculum audit, cui non ſtatim in mētē veniat illius noctis, in qua Dominus Ieſus impia Iudæorum, & Romanorum militum manu comprehenſus, atque vinctus fuit? Nam, quis vnquam

quam amici persona tectus, inimicior,  
cædisque auidior fuit, quam proditor lu-  
das? quisve accessus, atque congressus,  
aut in speciem magis blandus, aut re ip-  
sa magis hostilis, eo eiusdē Iudæ ad Chri-  
stum accessu esse potuit, cum ipsum de-  
osculatus, militibus qui Christum com-  
prehensuri venerant, quibusque se ille  
ducem præbuerat, ea re signum dedit ad  
comprehendendum: & quod erat pacis  
& amoris symbolum, eo pro classico ad  
ineundum prælium est usus? Quid? non-  
ne, & hunc occultum hostem, & alios  
palam inuadentes inimicos sola voce  
Christus ita perterrefecit, atque prostra-  
uit. vt quod reliquum est huius versicu-  
li, quodq; sequitur. Qui persequuti sunt  
me inimici mei, ipsi infirmati sunt, & ce-  
ciderunt. in re gesta dici, non vaticiniū  
de futura esse, iure omnibus videatur?  
Quamquā non in illa nocte modo atq;  
in illis tenebris hostes in se irruētes Chri-  
stus deuicit: sed multo verius postera, &  
in sequenti die, media luce, cum ab eis-  
dem



dem indignissima morte affectus est, ipso illo actu moriendi, ipsoque extremo spiritu debellauit. Debellauit, inquam, tum Iudæos, funestæ illius cædis satellites, & ministros: tum Sathanam, Sathanæq; addictas aërias potestates, tanti sceleris duces, & authores, sicut Paulus scripsit. *Coloss. 2.* Spolians principatus, & potestates, traduxit confidenter palam triumphas illos in semetipso. A cuius enim vitæ dæmones suæ tyrannidi arbitrati sunt, exitium imminere, quemq; ob eā causam interficere studuerunt, is moriēs, domos illorum euertit: regna vastauit: imperiū extinxit: hominesque eos, quos captos illi, & constrictos tenebant, in lucē libertatis asseruit, ipsosq; hostes Christus, nō quidē illos repellendo, aut se contra inferendo, sed sustinendo, & telū quodammodo totum corpore recipiendo vicit, & contriuit, ipso, scilicet, illorum incur-su, atque impetu, probe vt naturam illius referret lapidis, quo de scriptum est: *Matt. 21.* Qui autem ceciderit super illum, conteretur.

retur. Nam & hæc illi nequissimo serpē  
ti tanquam fata iam inde ab initio Deus  
præcinebat, cum ei dixit. Tu insidiabe- *Gene. 3.*  
ris calcaneo eius, ipse autem conteret ca  
put tuum. Colubri enim in obuiū aliqūē  
impetum interdum faciunt, & pedem  
ei mordent: nam altiora ore petere ne  
queunt. id cum accidit, sæpè etiam eue  
nire solet, vt is cuius mordetur pes, calce  
comminuat colubro caput, quod illi no  
cendi causa pedi propè subiiciunt: ita fit,  
vt coluber, dum alterius lædit pedē, ipse  
in capite plagam accipiat, eamque acci  
piat ipso eodem pede, quem petebat per  
cussus: & quod primū erat non petitus  
ad necem, sed petens ipse aliū. Eadem igi  
tur illi hosti, qui cū natura optima esset  
conditus, suaque ipse sponte prauus esse  
ctus esset, serpentis astum imitatus, eius  
que in se suscipiēs formam lætale in nos  
virus infudit, euentura prædixit Deus:  
si quidem vnquam ausus fuisset, vel po  
tius quoniam futurum erat vt auderet,  
calcaneū Christi adoriri quod & euenit.  
Nam

Nam primum, dum omnia venena sua  
 aduersus Christum exprimit, in carne  
 Christi, & in eius humana vita lœdenda,  
 quę infima, & terrę veluti proxima pars  
 illius est, constitit ipsius omnis impres-  
 sio: ipse autem & regno, & malę parta di-  
 gnitate spoliatus in capite, vt minimum,  
 lætalem accepit plagam. Deinde non à  
 Christo ille circumuentus aut in certa-  
 men euocatus est: sed circumueniens ip-  
 se Christum, & impetum in illum faciens,  
 sibi pestem conciuir. Postremo victus  
 est, neque magnis copijs, neque armo-  
 rum aliquo genere inaudito, & nouo,  
 sed ea ipsa re, in qua, vt sibi visus est, su-  
 perior erat, eo pede, id autem est, carne  
 ea cui vulnus intulerat, ea vita quã mor-  
 te extinxerat: atque adeò ipso illo à se il-  
 lato vulnere, atque morte male ipse, &  
 perpetuò perijt. Nam è Christi sanctissi-  
 mo corpore vulneribus confosso immẽ-  
 sa vis pretiosissimi sanguinis profluens,  
 beatum quidem piorum hominum po-  
 pulum à peccatis, atque à delictis expia-  
 uit

uit & emundauit omnibus: AEgyptios  
 verò insequētes, hoc est, dæmonum bo-  
 nis viris infesta agmina, vndis illis sui san-  
 guinis veluti obruta deleuit, & extinxit.  
 Itaque quam antiquus ille serpens, Chri-  
 sto molitus est necem, ea exitialis ipsi  
 fuit, & vt scriptum est, Incidit in foueam  
 quam fecit. Et ad Christum oppugnan-  
 dum aggressus in ipsa aggressionē, vt hīc  
 dicitur, infirmatus est, atque cecidit. Sed  
 iam ad Dauidem reuertamur.

*SI consistant aduersus me castra non ti-  
 mebit cor meum, si exurgat aduersum me præ-  
 lium, in hoc ego sperabo.*

QV AE est ex tota superiori oratio-  
 ne collecta sentētia, qua sanctus Dauid,  
 de eo quod suas res Deo curæ esse vide-  
 bat, fiducia concepta, asseuerat, tantum  
 abesse ab eo, vt suorum hostium minis  
 moueatur, vt ne si se vndique obsideāt,  
 atque circumstant in timore futurus sit.  
 etenim sibi spem addi ea re, non metum  
 iniiei. Sed quod dicitur. In hoc ego spe-  
 rabo. ambiguum videtur, utrū in Deo,

an in ipso eodem, cuius meminit, bello  
 spem suæ salutis constituat. sed hæc am-  
 biguitas in oratione Latina est. nã in Gre-  
 co, & Hebraico sermone, quod ex codi-  
 cibus Græcè liquet, & Hebraicè cõscri-  
 ptis nulla plani sensus latebra, aut ob-  
 scuritas latet. Nam in Hebraico. *לִּי*  
*בְּזִמְתִּי בְּיָמֵי*. Septuaginta porro. *ἐν τῷ*  
*καταστροφῇ* in quibus satis apparet, Dali-  
 dem hîc bellum, atq; hostium castra de-  
 monstrare, & in eis ipsis hostium furorũ  
 armis spem incolumitatis suæ posuisse  
 dicere, quo magis ex eo perspicitur di-  
 uinæ potentiae magnitudo. Nam profec-  
 tũ qui Deum piẽ colunt, id ab eo robo-  
 ris in animo accipiunt, vt in desperatissi-  
 mis suis rebus, non modo nũ frangatur  
 metu, sed etiã, vt ea ipsa, quæ sibi aduer-  
 sa esse & inimica videtur, pro ipsis stare,  
 & pro instrumentis ad victoriam obti-  
 nendã sibi esse arbitrentur: neq; temerẽ  
 id, aut sine idoneo argumento: quod sit  
 maximẽ proprium magnitudinis & sa-  
 pientiae summi Dei, consilia, & cõatus

malo-

malorum hominum in suam ipsorum  
perniciem conuertere: eosque capere at  
que irretire suis ipsorum artibus. quan-  
do illud est maximum victoriæ genus  
cum hostes nostri, ijs ipsis, quibus fidit,  
& armis à nobis, & artibus superantur.  
Quod vt planius intelligatur altius ista  
nos, & tâquam à capite repetamus. Duæ  
sunt rationes, siue duo tempora potius:  
nec enim plura esse possunt, in quibus  
seruis suis Deus opem solitus est, & præ-  
sidium afferre. Nam aut præuertit ma-  
la, atque aduersa antequam adueniant,  
& eorum causas præcidit, aut posteaquã  
aduenerunt, & in seruos ipsius incum-  
bentia eos oppresserunt, admirabili ali-  
qua nec opinata ratione, dispellit ea, &  
ad nihilum redigit. Quarum rationum  
illa prior, suauior fortasse ipsa est, & opta-  
bilior, ijs præfertim, qui parum adhuc in  
virtute profecerunt: quiq; nondû satis  
virium collegerunt in animo suo, ad ma-  
lorû acreis morsus fortiter perferendos.  
Talibus enim optandum est, vitæ huius

tāquam nauigationis cursum sereno celo,  
 mariq; tranquillo sine ventorum in-  
 sultu, & sine iactatione conficere. At ve-  
 rò alia ratio posterior, cum præstabilior  
 iudicatur esse, tum à Deo sæpius vsurpa-  
 tur: propterea quod & nobis maiorem  
 vtilitatem afferat, & Dei gloriam magis  
 illustret. Nobis enim reflantes ventos  
 nonnunquam, & aduersa tempora pati,  
 valdè quidem est vtile atque conducēs,  
 vel ad animi parandam virtutem, vel ad  
 eandem, si quidem iam parta sit, alendā,  
 & quando interdum sopita iacet, excita-  
 dam: gloriosum autem Deo, quæ supera-  
 ri nullo modo humanis viribus atque  
 consilijs mala possunt, ea cum se maxi-  
 mē corroborauerunt, maximēque ex-  
 aggerata sunt, nullo negotio, & tāquam  
 nutu dispellere: & charos ipsi populos,  
 ab impijs hominibus prædæ loco habi-  
 tos, è medijs ipsorum faucibus eripere,  
 suisque ipsos euertere, & machinis, &  
 cōsilijs. Quo de genere illa sunt, quæ san-  
 ctus Moses mare rubrum transgressus,  
 Deo



Deo scribitur cecinisse: vt, Dixit inimicus persequar, & comprehendam, diuidam spolia, & implebitur anima mea. Euaginabo gladium meū, interficiet eos manus mea. Flauit spiritus tuus, & operuit eos mare, submersi sunt, quasi plumbum in aquis vehementibus. quis similis tui in fortibus Domine, quis similis tui, & faciens mirabilia? & quæ sequuntur. Nam profectò aduenientia mala ante te videre, & illorum impetum auertere, aut certè ipsos malorum fontes excindere, est illud quidem ad beneficij rationē per amplum, sed ad fidem faciendam de bonitate, & potentia Dei ambiguum, & obscurum. Id enim à Deo administrari, atque fieri, ita homines ipsos, de quorū agitur salute, sæpè latet, vt quoniā mali periculū non fecerunt, neq; salus, aut fortunę eorū in discrimen venerunt, quale, & quantum beneficiū acceperint, nonnunquam etiam vtrum omninò acceperint, nesciant. Quod si & ipsi malū imminere sibi aliquod aliquando cognoscāt,

atque ad præcauendum id, atque vitan-  
 dū, aliquid ipsi operentur, & faciant, ita-  
 que accidat, vt vitent quod impendebat  
 malū, atq; declinēt: tametsi ipsi sibi re ip-  
 sa auxilio non fuerint: tamen fuisse auxi-  
 lio sibi putant, suasq; partes in tuenda sa-  
 lute sua nonnullas fuisse gloriantur: ne-  
 que pati possunt æquo animo vllō mo-  
 do, vt Deus, cuius vnus cura atq; sapien-  
 tia mali cursus, aut impedit<sup>o</sup> est, aut alio  
 conuersus, solidā istam gratiam ab ipsis  
 ineat. Ex quo fit, vt Deus, qui & suæ glo-  
 riæ studiosissimus est, & salutis nostræ  
 cupidissimus hanc viā auxilij ferendi, mai-  
 nus sæpè frequentet: illud verò alterum  
 iter sapius insitat, idq; adeo interdū stu-  
 diosē faciat, vt obliuisci seruporū suorum  
 nonnunquam, & lentē ac remisse agere  
 videatur: impios furere homines, & in  
 bonos impotenter sæuire, ac bacchari  
 permittens, quo paulò post ex eisdē illis,  
 qui se iam pro victoribus inferebant, de-  
 uictis atque mactatis, & seruis suis eis,  
 quos periculo eripuit, maiorem causam

latan-

letandi, & reliquis mortalibus vniuersis  
 laudandis, atque celebrandi, vberius ar-  
 gumētum exhibeat. Sicut scriptum est.  
 Dicturus est Pharaō super filijs Israël, *Exod. 14.*  
 coarctati sunt in terra, mare illos conclu-  
 sit, & indurabo cor eius, & persequetur  
 vos, & glorificabor in Pharaone, & in  
 omni exercitu eius. Quod ipsum re præ-  
 stitit, nec ex innumerabili copia exēplo-  
 rum, quæ nobis suppeditant sacrae lite-  
 ræ, ad id, de quo agimus, magis accōmo-  
 datum, magisq; illustre exemplum vllū  
 proferamus. Nam cum Iudæorum po-  
 pulus, qui Mose duce decedēs ex Aegy-  
 pto foelicia Palæstinæ loca, & auitas se-  
 des petebat, in varia pericula incidisset,  
 Deo id non permittente solū, sed quo-  
 dammodo agente, in ipso periculorū, ac  
 discriminis summo articulo præsens illi  
 auxiliū, atq; salus semper ab eodem ipso  
 Deo mirabiliter est oblata: adeo vt totū  
 illud iter, quamuis & spatijs locorum, &  
 temporis diuturnitate longissimum, nō  
 magis castris, & stationibus Iudæorum,

## IN PSALMVM

quam in ipsorum periculis, auxiliorum  
 diuinitus collatorum notis, atque signis  
 fuerit distinctum. Excesserunt ex Aegy-  
 pto. Cedentes paululumque progressos,  
 & in iniquum locum adductos. Aegy-  
 pti Rex Pharaon, magnis copiis maxima  
 celeritate collectis, ipsos insequutus est:  
 hic cum neque resistere inermes arma-  
 tis possent, neque se in fugam dare, loco-  
 rum iniquitate conclusi: quod ab utro-  
 que latere vastâ solitudo atque montes,  
 antè verò obstaret obiectum mare, à ter-  
 go autem hostis instaret: diuisit Deus su-  
 bitò aquas maris, viamq; per medios ha-  
 ctus dedit populo suo. quam viam Iudei  
 ingressi incolumes in aduersum littus  
 peruenerunt: Aegyptios verò, qui eadē  
 via ausi sunt Iudeos insequi, diuise aque,  
 vnâ rursus coeuntes, miserè immerse-  
 runt. Vix mare traiecerant cum labora-  
 re coeperunt fame, atque escaurî inopia:  
 cui inopiæ Deus, & statim & copiose  
 subuenit. Nam caelesti rore concretum  
 cibum suauissimum illis dedit, neq; dare  
 desti-

deficit, quādiu in desertis illis locis ver-  
fatipſi ſunt, id eſt, per annos quadragin-  
ta. Nec multo poſt cum aquæ penuria  
premerentur, ſcaturire è rupe fontem fe-  
cit. Idem rursus ſerpentem erexit æneū,  
cuius aſpectu ſanarentur, quicumque ve-  
nenatorum ſerpentum morſu ſaucij eſ-  
ſent. ſauciabantur autem quotidie pluri-  
mi, magnoque cum dolore atque crucia-  
tu vitam amittebant: quod ea loca vene-  
natis ſerpentibus abundarent. Sed, quid  
ſingula perſequor? quæ cum innumera-  
bilia ſunt, tum omnibus qui diuinas lite-  
ras legent, ſunt æquè atque mihi nota.  
Illud tantum dico, cum ijs malis ille po-  
pulus premeretur, vt miſer omnino eſ-  
ſe, & ærumnoſus ijs, qui procul ipſum  
aſpexiſſent, videri omnibus poſſet: factū  
tamen eſſe, Deo in ipſo tempore auxiliū  
illi ſemper, atque opem ferente, vt nō ſo-  
lū mali expers eſſet, ſed vt etiam foelix  
& beatus euaderet. Quod Eſaias vates  
eiſdem de rebus agens, ſcripſit: Et in om-  
ni, inquit, tribulatione ſua non eſt tribu-

*Eſai. 63.*

latus. Atqui pronum fuerat Deo, paucorum dierum itinere, nulla circuitione, nullis ambagibus, nullo viæ errore, laborum, & periculorum expertes Iudæos in promissæ terræ possessionem inducere. Vtrum igitur illorum foelicitati inuidisse putandus est Deus, an potius cōsultuisse & prospexisse eorum dē salutē? prospexit certē salutē illorum, suæque simul in eo gloriæ consuluit. nam dum potentiae suæ & erga illos prouidentiae, tot edidit ipsismet spectantibus, & tam illustria documenta, id assequutus profectò est, ut se deinceps illi, quod ipsorum salutis atque ad eò pietatis totius caput erat, & ardentiori prosequerentur charitate, & maioribus quotidie laudibus celebrarent: qui vnus ex tota ista prouidendi, & benefaciendi ratione maximè gratus Deo, atque optatus fructus percipitur. Id igitur quia cognoscunt, & sperant iusti homines in malis, videlicet, & asperis suis rebus auxilium Dei sibi præsto affuturū, idcirco cum in mala incidunt, non modo



modo æquitatem animi facile retinent, sed etiam in medio ipso metuendarum & horribilium rerum tumultu maxima pace, & quiete fruuntur: & quo magis humana præsidia eos deficiunt: eo magis salutem suam esse Deo curæ, & celerius ab ipso auxilium sibi affuturum credunt. Itaque animo erecti, atque alacres, speque optima pleni, non modo se non dant ægritudini atque mœrori, aut humile quidquam faciunt suppliciter, & demissè: sed ne, si quid fortassis opis atque virium in ipsis est ad nocendum suis hostibus, eo aut utuntur, aut ut iniuriâ sibi ab ipsis illatam alia iniuria repellere, aut omninò parem vicem illis reddere velint, animum suum vaquam inducunt. quin potius illorum impugnatione suâ propugnationem, inimica ipsorum consilia sua esse præsidia arbitrantur: vires, cōpias, opes illorum, pro suis ipsi summis opibus ducunt: scientes, quod Paulus scribit, quod, tribulatio patientiam operatur, patientia spem. spes autē non confun-

Rom. 5.



confunditur. dicuntque & ipsi cum Da-  
uide, Si consistent aduersum me castra,  
non timebit cor meum. Si exurgat ad-  
uersum me praelium, in hoc ego spera-  
bo. Sequitur.

*VNAM petij à Domino, & hanc requi-  
ram, vt inhabitem in domo Domini cunctis  
diebus vitæ meæ, & videam voluptatem Do-  
mini, & visitem templum eius.*

**VOLVPTATEM** non volunta-  
tem in emendatis vulgatæ editionis co-  
dicibus legimus, cui lectioni Hebræa, at-  
que Græca exemplaria suffragantur. Vi-  
sitandi autem verbum hoc loco ex He-  
braicæ vocis, cuius loco ponitur signifi-  
catione interpretatum, significat lustra-  
re, & curiosè inquirere: itaque visitare te-  
plum, quod hîc dicitur, idem est, quod  
adyta illius omnia perlustrare. Nam hoc  
desiderat, aut certè desiderare se dicit  
sanctus Dauid, atque ita desiderare arde-  
ter, vt nisi id adipiscatur, inquieturus  
non sit, nimirum versari semper in san-  
ctissimo templo, & tanquam in oculis  
Dei,

Dei, eiusque sacri, atq; pulcherrimi habitaculi optatissimo aspectu semper frui, & quotidiano ipso, & domestico usu nota sibi facere omnia illius, quamuis arcana, & interiora loca. Quæ quamuis de visibili, & in terris posito Dei tabernaculo, cuius summa erat apud Hebræos, religio, dicantur à Dauid. etenim modo in illo delituerat Saulis iram fugiens: itaq; vigeat in ipsius animo eius loci, qui sibi salutaris quidem modo, dulcis autem, atque gratus semper antea fuisset maximū desiderium. Quamuis igitur hæc de tabernaculo Mosaico dicantur: tamē propriè referenda sunt ad æthereum, atque inuisibile Dei templum, & ad cælestem cum Deo viuendi rationem eam, qua cū ab hac vita discesserunt, pī homines ac sancti fruuntur, & in quam ipse David incenso studio ferebatur. Nam eius rationis atque vitæ cælestis terrenum illud tabernaculum atque templum imaginē referebat. Sed quorsum hæc dicet aliquis? aut quī cum superioribus coniungantur?

gantur? optimè illa quidē inter se, aliūsq;  
 ex alio versiculus tam nexus est, quam  
 animi affectus qui hisce versiculis expli-  
 cantur, alij nascuntur ex alijs. Itaque na-  
 turam ipsa imitatur oratio. Etenim spes  
 contraria timori est. nam timor ex opi-  
 nione imminētis mali oritur: spes ex opi-  
 nato futuro bono. vnde mali timor pel-  
 li nequit, nisi boni futuri spe. quo sit, vt  
 depulsi timoris commemoratio ipsa, sta-  
 tim cogitationē nobis subiiciat eius bo-  
 ni, cuius cōsequēdi spe firmatus, & cor-  
 roboratus animus timere desijt. Quæ  
 quemadmodum in cogitationem, & in  
 mentem veniunt, sic etiam in oratione  
 ponuntur, quod certè Dauid hoc loco  
 fecit. Nam posuerat superiùs, atque afir-  
 mauerat, ne si vndique hostes ipsum ob-  
 siderent sui, se in timore futurū vllō mo-  
 do. Sed quæ res istos tibi animos facit  
 sancte Dauid ipsum si roges? quæ id fi-  
 ducia iactas? Quia, inquit, nihil mihi ab  
 inimicis posse noceri video. Etenim in  
 ijs rebus spes omnes meas, atque fortu-  
 nas

nas constitui, quas mihi aduersarij mei  
nunquā eripient. Nā votorū meorū, at-  
que bonorū omniū hęc summa est. Deo  
semper assistere, ab eo nunquā diuelli,  
in splēdidissimo cæli loco, quæ propria  
eius est sedes, perpetuò versari: illis cæle-  
stiū spirituum sanctissimis coetibus iugi-  
ter interesse: viuere in luce semper, in  
gaudio, in veræ gloriæ sempiterno splē-  
dore. Mihi omnis ratio, cum virtute est,  
cum pietate, cū Dei cultu: cætera in qui-  
bus casus, & fortuna dominantur, nec  
ipso valdè appeto, neq; ad me planè per-  
tinere puto. in ijs ludat fortuna vt volet,  
circuant hostes, atq; grassentur, suo arbi-  
tratu prædas agant, facile patiar me ijs  
spoliari rebus, quas neq; pro meis, neq;  
pro bonis vnquā duxi. Meū bonū, vnus  
Deus est, eiusq; diuini boni sempiterna  
possessio: cuius, vel spē viuo, vel fructum  
mortuo nemo mihi hostis eripiet. Et si-  
nè duæ res sunt, quæ bonos viros in ma-  
lis atque in laboribus constitutos, maxi-  
mè consolantur. Vna est illa corū spes,  
quam

quam in Deo opitulatore, atque adiutore suo firmiter collocatā habent: de qua spe superiore versiculo satis est dictum. Altera quod, quæ illi pro suis bonis ducunt, eam naturam habent, ut in hostiū potestatem venire, aut possessoribus inuitis eripi, nullo modo possint. Nam hostilis vis cum eousque progressa est, vitā ut eripiat bonis, atque innocentibus viris, ulterius quo progrediatur nō habet. id verò si hostes effecerint, siq; inuisum sibi bonorum sanguinem hauserint, nō modo nihil mali illis attulerint, sed etiā plurimum boni cōtulerint. Mors enim in hominibus iustis per sophisma quodammodo dicitur. Etenim viuunt tunc maximè cū primū excesserunt ab his terrenis, & mortalibus locis. Scimus, inquit Paulus, quoniā si terrestris domus nostra huius habitationis dissoluatur, quod ædificationem ex Deo habemus domum non manu factam, sed æternā in cælis. Id igitur, quia boni sciunt, aut si minus quam Paulus sciunt; certè si per ipsos

2. ad Cor.  
c. 5.

iplos non steterit, certò futurum credūt,  
atque cognoscunt: erecti, atque alacres  
fortunæ tela non modo despiciunt; sed  
nonnunquam etiam cupidè excipiunt;  
tanquam suæ segetem gloriæ. Quod si  
qui sumus, qui aduersarum rerum, vel  
metu terreamur adhuc, vel præsentia af-  
flictemur, id non tam in ipsa re, quam in  
errore nostro esse, & idcirco nobis acci-  
dere existimare debemus: quia vel igno-  
ramus adhuc veritatem boni, vel in-  
co quod compertum habemus, fallacis  
huius vitæ illecebris delinuti, nondum fa-  
tis altè, atque firmiter defiximus omne  
nostrum studium. Quare quicumq; hu-  
iusmodi sumus, reuocare debemus ani-  
mum ad meliorem rationem: & ut ipse  
se, ac sua bona cognoscat efficere. Quæ  
ille, cum in vna virtute, & ardenti erga  
Deum charitate ac pietate, ac cælestis vi-  
tæ fructu ponenda intellexerit: cumque  
ad ea consequenda bona, Deo in primis  
opem ipsi, & auxillum ferente, satis facul-  
tatum, atq; virium in se inesse perspexerit:

D

cumq;

cumq; eas vires atque facultates sibi im-  
uito adimi non posse, cognouerit: profe-  
cto, & bona sua ista, in sua vnus potesta-  
te posita ab omni maleuolorum, & inui-  
dorum hominum incurfione, & iniuria  
esse libera iudicabit: & omnes acerbos  
vitæ calus cōtemnet: & tanquam de ex-  
celso, & munito loco, inanes hostium  
suorum clamores vicisse scia, & debel-  
lasse arbitrantium negliget, atque ride-  
bit: hocque Dauidis ad omnia fortuna-  
damna, atque tela tanquam scutū oppo-  
net. Vnam petij à Domino, & hanc re-  
quiram, vt inhabitem in domo Domini  
cunctis diebus vitæ meæ. Nam per Deū  
immortalem, hostis amare quid insole-  
scis? quid potuisse te, atque effecisse tan-  
topere iactas? in quo putas nocuisse, aut  
nociturum esse te mihi? Omni, inquis, te  
dignitate spoliabo. At innocenter, atque  
integra fide, actæ vitæ conscientia, nun-  
quam eripies. Efficiam, vt de te cuncti  
homines male, & loquantur, & iudicet.  
At Deus cuius vnus sunt incorrupta iu-  
dicia,



dicia, iudicabit benè. Quamquam qui,  
 quæso, sunt isti homines, aut quot, aut  
 quandiu iudicabunt? Quin vitam eripia  
 tibi. Benè profectò narras, ab inuidorū,  
 scilicèt, & maleuolorum, & tui similium  
 hominum grege, ad beatos bonorum  
 virorum coetus me transferes. Sed sentē  
 tiæ huius versiculi tanquam genus vidi  
 mus: nunc singula eius verba breuiter  
 percurramus. *Vnam pety.* Libido atq; cu  
 piditas plura appetit; neque satiatur vn  
 quam. at rectè instituta ratio vnum bo  
 num, quod & ipsum summum sit bo  
 num, desiderat. Nam neq; bina aut plu  
 ra esse possunt summa bona. *Pety à Domi*  
*no.* Rectè à Domino, quoniā vanæ sunt  
 cogitationes hominum in se satis viriū,  
 atque præsidij esse arbitrantium, ad foeli  
 cem, & beatam vitam: aut eam collocan  
 tium in aliquo terreno, atque interituro  
 bono. Aliunde enim, id est, à Deo ea no  
 bis petenda, & accersenda est: nec so  
 lum à Deo postulanda, sed collocanda  
 etiā in solo ipso. *Et hanc requirā.* Omnes

Matt. 24

quidem veram sibi felicitatem optant: plurimi etiam petunt, pauci requirunt: quando requirere est cura atque diligentia adhibita, iterum atque sæpius quærere. Atqui nisi qui requirunt, id est, qui perseverantes in studio virtutis instant, & tanquam pulsant ad ostium diuinæ pietatis, atque clementiæ, eam nulli consequentur. Verè enim dictum est: Qui perseverauerit usque in finem, hic saluus erit. Sed quid David requirat, audiamus. *Vt inhabitem in domo Domini omnibus diebus vite mee.* Plurimi sunt, quos cum virtute versari, & apud pietatem tanquam hospitari eo usque delectat, quoad, scilicet, eorum intestinæ cupiditates nimia ipsa copia obtusæ, atque consopitæ silēt in ipsis, atque quietem agunt: qui iidem cupiditatibus postea reuiuiscētibz, & ex interuallo redeuntibus, ad primum earum aspectum, atque vocem virtutis hospitium renunciant, & ad nota sibi lustra demigrant. Contra autem sanctus David, non ad breue aliquod tempus de-  
siderat

siderat versari cum Deo : sed per totam vitam perpetuò cum illo esse : neque hospitari apud illum, sed in eisdem ædibus communiter habitare. Intelligens nimirum, crebros illos & alternos ad virtutem accessus atque recessus, illasq; itiones & reditiones animi esse non solum levis, sed etiam eiusmodi, quo de sperare non possis ipsum aliquando, non dico præclarum aliquid, sed ne mediocre quidem, vel effecturum, vel assequuturum. *Vt inhabitem in domo Domini.* Aptè hoc eloquitur atque verè. Sola enim beata vita iurè domus dicatur : domus inquã, in qua stabilis ad quiescendum sit, & ad suauiter inhabitandum sedes. Nam cæteræ res, quas plerique insano interdum studio insequuntur, opes dico, & voluptates, potestatesque & imperia, habent illæ quidem speciem quandam boni, sed leuem speciem atque fallacem. itaq; alliciunt ad sese amœnitate quadam eos, qui vitæ huius iter insistant, & de via fessos ipsos, & æstuentes collocare tanquã

in vmbra possunt: diu autē illos in quiete continere, aut requiescendi & comorandi diutius apud se se facultatem illis dare non possunt. idque ita esse, vel illi ipsi maximē testificantur, qui stultitia atque errore cæci, ipsumque ignorantes domicilium boni ad illa specie ampla, re autem ipsa, omni supellectile vacua diuersoria se contulerunt. Notæ enim sunt illę istorum hominum voces:

*Sapient. 5.* Quid profuit nobis superbia, & diuitiarum iactantia quid contulit nobis? transierunt omnia illa tanquam vmbra, tanquam nūntius percurrrens: ceteraq; quę in hanc sententiam plurima lamentantur, quod vnum in omni ipsorum vita verē pfectō sunt loquuti. Veteris enim domicilij atque fallacis subita ruina semel oppressi, tunc planē senserunt in exitium sibi id esse conuersum, quod ad requiem putauerunt fore: speq; sua ipsos miserē fuisse frustratos. Quanquā illi ne in ipso quidē tempore, cum requiescere sibi videbantur, vllū verē tranquillitatis, atque

atque quietis fructum, mea quidem sententia percipiebant. Nam quis ignorat quanti auaris suæ cōstet diuitiæ? quibus sit obnoxia molestijs, atq; adeo miserijs honorū ambitio? quam nulla sincera, atq; homine digna voluptas sit, in vita voluptaria? imò quot occultetur, & quā sæui sub horū splendore nominum tor- tores animorum? Quoniam sic certè natura comparatū est, vt quadiu rebus uti- mur, quatenus à natura ipsa nobis concessum est illis uti, id est, quandiu adhibe- mus eas ad naturales earum vsus, intraq; cum modum, qui est à natura præscri- ptus: tandiu vt nobis illæ sint iucundæ atque dulces: quod si violatis temerè, atque transgressis finibus ijs, quos natu- ra rebus pepigit, officijsq; rerum, & mu- neribus, & ordine naturali peruerso, effi- cimus, vt altera inuadat in alterius pos- sessiones: & suū ipsa officium negligēs, alienum vt munus obeat postulamus: vt ritè id & nauiter obeat, nūquam pro- fectò assequemur: insuper ipsum illud

amitteremus naturale bonum, quod ipsi  
 inerat: illasque ad vsus nostros ei à natu-  
 ra datas opportunitates & commodita-  
 tes: nec minus faciemus absurde quam,  
 qui calceis, quos pedibus detraxisset, ca-  
 put induere conaretur, faceret: si tamen  
 tam absurdus quisquam esse, villo vn-  
 quam modo atque ratione potest. Ete-  
 nim is, etsi plurimū operæ in eo posuif-  
 set, seque confecisset multo labore: per-  
 fecisset ille quidem pedes, vt nudi mane-  
 rent, caput tamen ipsum nihilo magis te-  
 xisset, ipsumque amississet artis vsus: si-  
 militer isti faciunt, quicumque animum  
 suum boni in finitē cupidum explere vo-  
 lunt, aut opibus, aut honoribus, aut vo-  
 luptatibus persequendis: quique vitæ  
 tranquillæ atque beatæ sedem vllam sta-  
 bilem constitui, in ijs rebus posse putāt,  
 aut certē sibi constituunt. Torquent se  
 certē illi, atque diuexant: nullum tamen  
 solidum consequuntur bonum, nedum  
 illud summum quod expetunt, Itaque,  
 quod vitæ huius quotidiana exempla  
 nos

nos docent, nulli egentiores sunt, quam qui maximè diuitijs affluere putantur auari: nulli ad seruilem cōditionem propiores, nulli qui cuncta digna, indignaq; magis perpetiantur, quam honoris atq; gloriæ studiosi: nemo qui maioribus doloribus non solùm animi, sed etiam corporis torqueatur, quam qui velis, vt dicitur, atque remis voluptates persequitur. Quod ob eam causam illis iure atq; meritò accidit, quia naturæ ordine violato, quibus rebus modicè vti, ac pro viatico debuissent in isto vitæ tanquā itinere, ab ijs dementia quadam obcæcati, summū ipsum bonum requirunt: & quo vti interdum possent, pro non incommodo diuersorio ad animum refocillandum. (quamquam qui firmiore ac vegetiore animo sunt, ne ista quidem diuerticula, istasve refocillationes magnopere curant) sed quo vti possent ad diuertendū, eo frui volunt pro stabili & sempiterno domicilio, sedemque sibi in eo beatę vitæ constituunt. Quæ profectò bea-



## IN PSALMVM

ta vita, quamuis nullas alias sedes haberet, nunquam tamen se pateretur collocari in huiusmodi nugacitate inanitateque rerum. Nam quod vnum tectum commune illi, quæ verorum bonorum perpetua dicitur esse possessio, esse possit, cum ambitione, cum auaritia, cum voluptate, caducis, videlicet, atque fallacibus bonis? illa certè cum virtute commoratur: in Dei pietatè, atque cultu tanquam in sanctissimo fano quiescit: in cælesti domo, & in Deo ipso vidèdo, fruendoque suam habet & propriam sedem. quam ad vnā sedem nos omninò debemus tendere omni nostra ope atque studio, si modo quales semper esse cupimus, beati atque foelices, tales vnquā futuri sumus. Ibi enim veræ illæ opes sunt repositæ, quas neq; tinea demolitur, neque fures effodiūt, aut furantur: immortales ibi honores sunt, & incorrupta, ac nullo vnquam æuo marcescens dulcissima, honestissimaque voluptas. Vnde sequitur. *Vt videam voluptatem Domini.* quæ

vna,

vna, scilicèt, & vera voluptas est, & omnium maxima voluptas. quippè quæ ex summi, & optatissimi, & omnem animi nostri cupiditatem, explentis, atque fatiantis boni consequutione, in altissima pace, & lætissimo gaudio sequatur. *Et visitem templum eius.* Nam his duabus rebus cōtinetur absoluta & cumulata beatitudo: Dei contemplatione, scilicèt, qua ex contemplatione oriuntur innumeræ voluptates, & cognitione templi Dei, id autem est, vniuersi huius, quod vnū est templum augustissimum, atque maximum. Nam hæc naturæ rerum cognitio veluti cumulus additur, visioni illi, contemplationique Dei, in qua propriè ipsa beatitudo consistit. Igitur has naturæ partes, atque rationes beati viri, in cælesti illa & futurâ vita cognoscent, eaque ex cognitione capient summam voluptatem. Nam quod aliud puris & bene affectis animis exhibeatur gratius spectaculum, quam est hoc, quod illis à Deo exhibetur, cum de altissimo &

IN PSALMVVM

& maximè splendido loco cæli, in om-  
nis mali experti vita ipsi constituti, non  
solùm, vident illa.

*Defectus Solis varios, Lunæque labo-  
res*

*Vnde tremor terris, qua vi maria alta tu-  
mescent*

*Obicibus ruptis, rursusque in se ipsa resi-  
dant,*

*Quid tantùm Oceano properent se tinge-  
re soles*

*Hyberni, vel quæ tardis mora noctibus  
obstet.*

Sed multò illis maiora, ac reconditiora  
cognoscunt: causas nimirum omnium  
rerum, & cuiusque rei principia interio-  
ra atque propria, ipsarumque inter se na-  
turarum, atque rerum consensiones, &  
dissensiones arcanas, quarum est, vt ma-  
ximè occulta, ita ad cognoscendum ma-  
ximè iucunda causa atque ratio: aliaque  
his similia permulta. Sed nos, institutum  
persequamur.

*QVONIAM abscondit me in tabernaculo suo, in die malorum protexit me in abscondito tabernaculi sui, in petra exaltauit me.*

REDDIT nunc causam superioris sui dicti, atq; sententiæ, id est, causam exponit, quare tantoperè desideret residere in tabernaculo & templo Dei, quod; videlicet, expertus fuisset, ipsum sibi fugienti, atque perterrito salutare hospitium præbuisse: quod delituit in eo, quod eius, veluti, gremio receptus se primum confirmavit, ex magno & graui timore. Quæ dicens Dauid, intelligi à nobis voluit, non tam loqui se de terreno tabernaculo. (quamquam & id semper ipsi, & cum aberat ab eo optabile, & cū aderat gratum & amabile visum est,) quam de æthereo atque cælesti. Cuius adeundi facultatem omnibus sanctis hominibus præuidebat aliquando tandem futuram, per illum ipsum, quem in nongentesimum propè annum, ex se ipse propagaturus erat, sibi similem filium Christum Iesum. Itaq; Dauid ad ea potissimum tempora

pora suas cogitationes, suaque desideria conferebat. Nam ex eo quod expertus fuerat sibi malorum vndis iactato, illud Dei terrenum tabernaculum fuisse portum salutis, facile coniecturam faciebat, quanto in celesti illo, & ethereo templo omnia futura essent tutiora, meliora, suauiora. Ergo à terrenis gradum ad celestia sibi construxit, & occasione eius beneficij quod acceperat in tabernaculo eo, quod fecit Moses, ad aliud tabernaculum, non huius creationis, sed quod ædificationem habet ex Deo desiderio verorum bonorum aspirauit, mortali-que ex vita cōseruata immortalis, & beatę vitę amore inflāmatuſ est. Quod autem sequitur, *In petra exaltauit me.* Id fortassè aliquis in eam sententiam accipiat, vt se exaltatum in petra Dauid fuisse dicat, id est, in loco edito atque munito, extra omne periculū positū: propterea quod posteaquam ab vrbe Ceila discessit, ad deserta Zipheï montis loca & præruptas, atque hostibus inaccessas rupes

se contulit. Sed mihi magis placet hoc hemistichio, petreque appellatione in arcanis literis nota significari Christum: cui sanctus Dauid acceptam referat salutem omnem, & liberationem suam. Illud nimirum diuinitus edoctus intelligens, unum esse Christum, per quem omnia nobis à Deo patre, & obtinenda, & petenda bona essent: cuius exemplo, instructi nos non solum in rebus letis agnoscere debemus Christi beneficio atque dono, latè nos atque foeliciter agere: sed in asperis & turbidis ad eius unius presidium debemus confugere: quod presidium paratum cunctis est, qui ad ipsum confugiunt. Non enim ille nos confugientes, ad ipsum unquam deseret, aut hostibus prodet: sed tuebitur potius, atque defendet: quomodo solet ille semper eos, qui ipsi supplicant, tueri atque defendere. Cuius quidem defensionis, etsi plures sint rationes atque modi, tamen ex ijs omnibus rationibus, illa haud dubie est prestantissima ratio, qua se Dauid hoc loco defensum esse prædi-

prædicat, cum dicit. *Abscondit me in tabernaculo suo, in die malorum protexit me.* Nam huius occultationis ea vis est, non ut Deus à nobis auferat mala, quibus opprimimur: sed ut sensum malorum in medijs malis dum versamur, nobis eripiat, nosque dolori subtrahat: non tam corporis fuga, quam animi translatione ad meliora bona, & ad ea omninò gaudia, quorum incredibilem vim immittere solet Deus, & offerre seruis suis ijs, qui iniuria opprimuntur. Et quoniam diuinorum auxiliorum duo genera, seu duæ diuersæ potiùs auxiliij ferendi rationes sunt à nobis superiùs expositæ: vna cum malorum aduentus præciditur, altera cū repellitur eorū impetus: sit hæc ab vtraque diuersa ratio tertia, in qua ipsa quidem mala, tametsi nos premant, non repelluntur: sed eorum mutatur efficiëntia, atque vis. Etenim etsi Deus semper auxilietur suis, tamen non semper eorum hostibus, aut arma detrahit, aut vires, aut facultates nocendi: quin illud sæpè



illud sæpè permittit, mali vt in bonos se-  
tuentes, & fortunis illos euertant, & tor-  
mentis subiiciant, & denique vita pri-  
uent. Quî igitur, dicet aliquis, auxilio lo-  
cus est, aut quæ opitulandi ratio Deo re-  
linquitur, eousque progressum, vbi est?  
Magnus sanè locus, & optima atq; Deo  
maximè digna opitulandi ratio. Nam  
ad hunc modum laborâtes suos seruos  
Deus suo veluti in gremio amantissimè  
recipit, receptosque abscondit, id est, eos  
dolori subtrahit, eripiens ipsis malorum  
sensum, hoc est, vt iterû interpreter, effi-  
cit, vt mali morsus non sentiant. Efficit  
autem partim verissimis rationibus il-  
los erudiendo: plurimum autem, & lon-  
gè plurimum id efficit, eorum in buen-  
do sensus cælesti tanta dulcedine, vt ma-  
lorum deinceps tormenta, atque ictus,  
non ad cruciatum illis valeant, sed ad læ-  
titiâ & voluptatem. Ita fit, vt quæ acer-  
ba alijs sunt, bonis cum in ea incidunt  
sint læta & voluptatis plena. quod illi af-  
sequuntur, nō sensus stupore aliquo, sed  
E diuinæ

diuinæ dulcedinis abundantia: qua eo-  
 rum plenisensus vbi sunt, nullus dolori  
 quo se insinuet, aut vbi resideat vacuus  
 locus relinquitur, atque, vt aquæ stilla  
 in ignem immissa, non extinguit ipsum,  
 sed magis accendit: sic ad bonorum sen-  
 sus malorum morsu accedens, atque in  
 eos insinuare se cupiens dolor, illa lætis-  
 simorum gaudiorum quibus affluunt  
 magnitudine, nō absorbetur modo, sed  
 quæ Dei virtus est, ex dolore voluptas  
 efficitur. Ex quo intelligitur, quã sint bo-  
 ni aduersus mala omnia mirificè à Deo  
 armati atq; protecti: quando dolor ipse  
 simul atq; accedere, ac peruellere eos in-  
 cipit dolor esse desinit. Quo certè fieri  
 nihil potest quod, vel ad leniendos bo-  
 norū animos, vel ad irridendos impiorū  
 conatus sit acomodatus: ruere videli-  
 cèt, illos, furere, sæuire, ignes admouere,  
 noua excogitare supplicia, alia alijs mala  
 addere, nullum deniq; modū imponere  
 suæ importunitati: eo porrò suo, omni  
 labore atque conatu, non modo dolorē  
 vllum

vllum non attulisse bonis, sed pro eo se-  
getem illis atque materiam suppeditasse  
eximiæ cuiusdam, atque maximæ volu-  
ptatis: nec dolendi solū nullam, sed gau-  
dendi etiam plurimas, atque maximas  
attulisse illis causas. Atque huius generis  
auxilij, & à malo liberationis cum inte-  
riorum bonorum sensu, externorū ma-  
lorum sensus hebetatur, & extinguitur  
in ijs, quos Deus veluti occultat in atrijs  
dulcissimis domus suæ, tanquam imago  
quædam fuit, quod illis tribus viris gene-  
re Hebræis in sacris literis scribitur acci-  
disse: cum iussu Regis impij quod in ima *Dan. 3.*  
nem statuat, quam erexerat, atque de-  
dicarat, adorare nolent, vincti in rogam  
ardentem immissi sunt. Illis enim ignis  
vincula, quibus constricti tenebantur,  
ademit: ipsos verò neque vlsit, neque  
detrimento, aut dolore affecit vlllo: ita  
quod ad illorum perniciem comparaba-  
tur, valuit ad salutem illis, & ad vincu-  
lorum dissolutionem. Sed quamvis hu-  
ius rationis exempla aliquot extent in

ijs hominibus, quos instituit lex vetus.  
 tamen hæc tota laus in medijs malis gau-  
 dendi, & ex dolore voluptatem capien-  
 di, propria est Euangelij: in quo pretio-  
 sissimi Christi sanguinis pro mundo ef-  
 fusi, maxima viget virtus atque vis diui-  
 na. Itaque in ipsis Euangelij primordijs  
*Act. 5.* de Apostolis dicitur, exiisse illos gauden-  
 tes à concilio quod digni habiti essent,  
 pro nomine Iesu contumeliam pati: &  
 illa oratio, ad Euangelij tempora perti-  
 net. Omne gaudium existimate fratres,  
 cum in varias tentationes incideritis: &  
 nostrorum, id est, cultorum Euangelicæ  
*Rom. 5.* legis vox illa est. Non solum autem, sed  
 & gaudemus in tribulationibus. Nam  
 certè ante Christi ad nos aduentum gra-  
 ue hominibus videbatur inopes esse, du-  
 rum ignominia affici, non ferendum do-  
 lore cruciari: itaque exilium nobis triste  
 erat, morbus molestus, mors acerbæ at-  
 que dira. At posteaquam filius Dei natu-  
 ram humanam secum coniungens, mi-  
 ram illam cum hominibus societatem  
 coiuit,

coiuit, vt particeps ipse nostrarum mis-  
eriarum effectus, nobis communicaret  
bona diuinitatis suæ, quæ pro aduersis  
habebantur in vita, quæque homines  
horrere solitierant mala, sic ea conduuit,  
& omni tanquam felle ab eis detracto  
dulcia fecit, vt præter mali nomen in ijs  
certè, qui Christi sunt, quiq; capiti suo,  
& fide, & rectè factis adhærēt, nihil iam  
de sua pristina acerbitate retineant. Ne-  
que enim fieri poterat, quin accedente  
natura Dei ad nostram naturam, omnia  
eius mala illo diuinitatis, veluti Oceano  
obruta, & immersa mala esse desinerēt.  
Itaque quæ mala nostra culpam in se, at-  
que scelus habent, ea Christus, vt potè  
qui ab omni peccati labe purissimus es-  
set, nō quidem admisit, sed quæ nos ad-  
misimus, in se ipso luenda, & delenda su-  
scepit: cruciq; affigens ea, sanctissimo  
suo cruore, quod ad se attinet, penitus  
eluit. Quæ autè doloris atq; poenæ mala  
sunt, eorum omnium sensum atque gu-  
stū percepit, perferreque illa, atque sub-

ire voluit : quo illius gustu detraxit illis, quidquid veneni in ipsis inerat, nobisque ad ea non solum fortiter ferenda, verum etiam cupidè appetenda præiuit: sicut Paulus scripsit de ipso, dicens:

*Ad Heb.* 2. Qui pro omnibus nobis gustauit mortem. Ex quo etiam illa est mortis amara irrisio, quæ propriè ad nouæ legis tem-

*Abac.* 1. pus spectat. Absorpta est mors in victoria tua, vbi est mors victoria tua? vbi est mors stimulus tuus? Quod certè in mortem non magis magnificè, quam verè dici, re ipsa atque facto, magnoque fortitudinis & memorabili exemplo, cum viro-  
rum, tum fœminarum post auditum in terris Christi nomen, ad mortem certatim conuolantium, infinita millia comprobauerunt. Nunquam enim, neque tanta alacritate animorum, neque tam prouis, & incensis studijs ad voluntariam mortem, & acerbissimos cruciatus, tot martyres properarent, si mors illis pro morte esset: aut potius nisi ipsum mori, ipsumque cruciari dulcedine redundare,

re, atque adeò melle illitū esse, illis videretur. Et certè ipsi sæpè affirmarunt, carnicinam ipsam, cælestis voluptatis officinam sibi videri: & per ardentes prunas nudis pedibus cum incedebāt, per amœna prata, & sparsam humum rosas, se incedere arbitrari dixerunt. Atque vt ex infinita copia id potissimum proferam exemplum, Theodoretus quod scribit historiæ Ecclesiasticæ grauis author, hoc quale sit, ex eo satis intelligetur, quod Antiochiæ Christianus quidam iuuenis dixit. Nam is, cum Iuliani imperatoris iussu quòd idola irrisisset, medio foro, magnoq; in hominum conuentu virgis diutissimè & saeuissimè cederetur: cumque eius interea nō solū eiulatus vllus non audiretur, sed ne gemitus quidem, cunctis, qui aderant admirantibus rogatus à quodā, quī perferret dolores tātos, tamæquo, atq; adeò læto animo, respondisse fertur, nullo se ex plagis dolore affici: cumq; instaret ille rursus, & eius ipsius stuporis causam quæreret, assistere sibi

*Theo. eccle. histo. lib. 3. c. 11.*



dixit, atque affirmavit, ex quo primum cædi coeptus esset, diuina specie quædam iuuenem fouentem ipsum, atque omnẽ abstergentem dolorem. Atque idem, postea cum solui iussus esset, & abire permissus illo iuene, qui ipsum comitabatur recedente ab illo statim, & abeunte, grauissimè doluisse scribitur: quod dicebat milles mori, non solùm cædi virgis maluisse te, quam illo tam dulci, tamque bono comite caruisse. O Christi sanguinis vim incredibilem: ò pietatem, & dulcedinem Dei, ò fructus virtutis vberes, dulcesque iam & iucundos, non solùm fructuosos dolores. Sequitur.

*Et nunc exaltabit caput meum super inimicos meos.*

Q V O D olim, inquit, Deus fecit, vt me ab hostium meorum insidijs atque manibus liberaret: idem nunc tametsi eorum copix atque vires augeantur, efficiet: multoque quam antea efficiet vberius. Nam à primò vt Deus mihi bene, & vellet, & faceret sola adducebatur boni  
tate

tate sua: at nunc quo vel constantia rationem habeat, suum in me beneficium tuebitur. nuper insidias, & cruentas inimicorum meorum manus à me repulit: nunc, ut spero, illos subijciet meis pedibus: id enim valet quod dicit. *Et exaltabit caput meum super inimicos meos.* Nam co Hebræi iustam victoriam significare solent, ex ipso, scilicet, habitu victoris erecti atque stantis, victis ad illius pedes interim suppliciter abiectis. Itaque hoc in re militari dictum victoriam significat, in rebus luctuosis & tristibus lætitiā, ut in illo. subleuauit Eulmerodab caput Ioachim: in omni denique re excellētiā in eo, quod de agitur. Ex quo ille.

4. Reg. 25

*Verum hæc tantum alias inter caput extulit vrbes*

*Quantum lenta solent inter viburna cupressi.*

Quod si cui placeat Diuidem hoc versiculo fuisse vaticinatum victoriam eam, quam Christus adeptus est de peccato atque morte sæuis & maximè nobis in-

E 5      festis

festis hostibus: sicque dicat aliquis, Christi ipsum à Davide caput vocari, eumque exaltandum esse dici super inimicos suos. Hoc si quis velit, id mihi non solum non displiceat, sed etiam probetur vehementer: atque eo magis, quod video sacros vates solere instituta à se primo de suis, aut aliorum rebus gestis orationi attexere, atque miscere futurarum atqueagnarum rerum sua vaticinia. Etenim ipsa narratione & commemoratione rerum, à se, vel ab alijs gestarum, propter occultam similitudinem aliquam, quam illæ res gestæ cum futuris rebus à Deo efficiendis magnis atque sublimibus habent, commota sæpè vatum mens, hauriensque diuinum maius & perfectius lumen, in medio orationis cursu eas illas videre incipit, quod à principio non faciebat. quod cum vatibus accidit, ut ex præsentibus, aut præteritis futura prospiciant, ea ut prospiciunt, statim effundunt, & ijs, quæ instituerant dicere attexunt, vnumque componunt & efficiunt orationis textum

ex utroque rerum genere. Rationi porro consentaneum est, id ipsum accidisse nunc Dauidi, de se, ac de suis inimicis canenti. Nam quoniã in sua persona, Christi personæ imaginem inesse sciebat, verosimile est ipsum, cum ei sua certamina & victorias canenti, Christi item certantis atque vincentis species oblata atque obiecta esset, tanto affectum gaudio atque voluptate fuisse, se ut continere non potuerit, quin eius aliquam mentionem statim faceret: suoque id carmini infereret, ipsumque carmen pulcherrimum, & per se satis commendabile, lætissimæ rei atque maximæ commemoratione ista inserta, cõmendabilius efficeret. Quod si quis moueatur eo, quod Dauid dicit, Super inimicos meos. quo planè suos Dauid significat inimicos, non Christi, & propterea putat hîc agi de vna Dauidis exaltatione & victoriã, is mea sententia decipitur. Nã quos Christus vicit inimicos, non tã sibi, quam Dauidi ipsi, atque adeò nobis omnibus vicit. Nec verò illi  
magis

Ioan. 14.

magis Christo aduersabantur, quam generi humano vniuerso: imò, verum si loquimur, nobis solis maximè propriè erāt inimici. Nos enim soli seruiebamus peccatis, & propterea damnati à Deo fuimus, mortique addicti: dæmonesq; ob id, nostris ceruicibus imminētes, nos sibi subijci deberi dicebant, & certè tenebāt subiectos: quæ Christum non attinere satis apertè idem ipse Christus declarat illis verbis. Venit princeps huius mundi, & in me non habet quicquam. Nō ergo dæmones nocere Christo in aliquo, aut incommodare poterant, sed cum nostri generis inimici essent, nosq; vniuersos tenerēt miserè oppressos, illis suis armis peccato atque morte, Christus bellum illis ultro indixit, seque à nobis opposuit aduersus illos: suumq; ipse corpus eorum telis obiecit. Ac peccati quidem vnum illorum telum ad se non admisit, tantum quæ nostro corpori infixæ eiusmodi plurima erant tela, pro suis habuit. At mortis alterum totum intra præcordia

dia recepit. Quod sanè telum non tam eripuit vitam Christo, quippè cui triduo postquam mortuus est, reddita est, magnis bonis atque accessionibus cumulata: quam peccatis nostris, quæ Christus in se suscipiens ipsius peccati, veluti personam sustinebat, abolitionem attulit, & interitum: quibus sanè extinctis, quæ ipsa tanquam fundamenta erant dominationis dæmonum, illorum in nos imperium statim corruit. Quamobrem verissimè exaltasse Deus dicitur caput nostrum, id est, Christum super inimicos nostros. Nobis enim propriè aduersabantur ij, quos Christus deuicit, eoquæ deuicit illos: vt quod cecinit Zacharias, *Luc. 2.* De manu eorum liberati, seruiamus ipsi omnibus diebus nostris. Vnde sequitur.

*CIRCUMVI, & immolabo in tabernaculo eius hostiam vociferationis, cantabo, & Psalmum dicam Domino.*

QVOD vtrouis modo intelligatur superior versiculus, rectè & ordine sequitur: vt, vel pro victoria ea, quam ipse  
de

de suis hostibus consequi sperabat, vel ob eam, quam Christus de cōmuni omnibus inimico consequuturus erat, victimas Deo, & laudum carminā se redditurum promittat.

*EXAUDI Domine vocem meam, quā clamaui, miserere mei, & exaudi me.*

VARIAT Dauidis animus inter spem, & metum. Nam sicut diuinę bonitatis, & experti amoris consideratio illum spe erigebat, ita Saulis Regis sibi infestissimi potentia atque opes, quę omnia quamuis tuta loca suspecta efficiēbant, ipsum debilitabant metu. Mens igitur Dauidis dubio rerum suarum statu suspensa varijs cogitationibus distrahebatur: quę alias lætę, tristes aliās alternantes, & in ipsum incumbentes, sæuos in illo excitabant fluctus variorum affectuum. Ex varietate porrò eorū varia itē oriebatur oratio. Itaque, qui hactenus nihil nisi fortiter, & clatē, & animosē dicebat, is nunc timore perculsus, abiectus atque supplex ad precandum se conuertit:



tie: & inter magnifica verba, timor subito exortus, & tanquam ex infidijs adortus ipsum, atque inuadens, voces ab eo elicit timidas, atque supplices. *Audi*, inquit, *Domine vocem meam*. Sed quam vocem oro? Hactenus enim fiducia quidē plenas multas emisit voces, supplicem autem, aut humilem prorsus nullā. Hic primò dici potest, Dauidem communē grauiter dolentium affectum atque morem sequutum, ita loqui. Etenim qui graui aliquo malo, aut dolore premuntur, antequam mali eius, quod ipsos angit magnitudinem dicant, aut quas habeāt dolendi causas exponant, vnum illud, sibi vt aliquid opis afferatur, ab ijs, quos auxilio ferendo aptos vident, petere iterum atque sæpius solent. Deinde nō absurdè dicatur: etsi minus ore, corde tamen atque animo, quo quamuis breui tempore multa copiosè dici possunt, Dauidem metuentem rebus suis multa precatum, ab interiore sermone in externā hanc prorupisse vocem. Itaque dixisse.

*Audi*

*Audi Domine vocem meam.* Nimirū eam, quam iam dudum imo è corde emittebat. Postremò, vt putò, non deerit cui potius videatur dicendum, hoc loco Hebraicè non legi, qua clamaui ad te, sed futuro tempore, qua clamabo. Ita his verbis non significare à se petitum esse aliquid antea, sed cum iam iam petere vellet, ac mox petiturus planè esset, eo præmunire futuræ suæ petitioni, & Dei aures dociles & attentas voluisse reddere.

*Audi, inquit, Domine vocem meam.* Quando, scilicèt, ad te clamauero, vota q; cordis mei ac desideria exposuero. Nec verò non dici debet, quam hic versiculus cum superiori cohæreat, quamque ex illo, tamquam fonte iste riuus ducatur: Quippè superius dixerat, se sperare futurum, vt Deus ipsum exaltaret super inimicos suos. Atqui rerum natura ferebat, vt hæc futurorum suorum certaminum facta ab ipso commemoratio, desiderium vincendi in illo excitaret, & accenderet. Desiderio porrò timor agna-  
tus

tus est: nam quæ ipsi assequi multum cupimus, eorum contrarios euentus valdè timemus. Metuebat ergo interdum Dauid incertos belli euentus, Martemque communem: isque metus è vincendi nasccebatur desiderio: desiderium verò ex memoria certaminum futurorum extitit: atque ita, vt vltima primis copulemus; superior versiculus in quo certaminum Dauidis commemoratio facta est, hunc sollicitudinis ac timoris plenum edidit versiculum. Sed pergit.

*TIBI dixit cor meum, exquisiuit te facies mea, faciem tuam Domine requiram.*

COMMEMORAT suum erga Deum amorem, quò magis ipsum prouocet ad sibi ferendam opem. Quàquã hoc ita dicit, vt ambiguum sit, vtrũ amorem intelligi velit præteritum, an futurum: id est, vtrũ dicat Deo, quia semper ante id tempus ipsum dilexerit, & studiosus illius atque amans fuerit: idcirco se non deberi deserì ab ipso, & hostibus tradi. An promittat potiùs atque pollicea-

liceatur Deo, se si modo vnquam victo-  
 riæ compos effectus fuerit, collocaturū  
 in ipso omnem spem, atque amorē suū;  
 quale est illud quod Iacob vouisse dici-  
 tur: Si fuerit Dominus mecū in via hac,  
 in qua ambulo, & dederit mihi panem  
 ad vescendum, & vestimentū ad induen-  
 dum, reuersusque fuero prosperè in do-  
 mum patris mei, erit mihi Dominus in  
 Deum, & lapis iste, quem crexi in titulū.  
 Sed siue hoc, siue illo modo accipiatur,  
 utroq; modo docet David se nō indignū  
 esse, qui à Deo adiuuetur, vel ob præteri-  
 ta sua erga Deum merita, vel quia illud  
 ipsum liberari ab hostibus suis, & à bel-  
 lis & certaminibus vacare, quod deside-  
 rat, ob id præcipuè desiderat, vt deinceps  
 quod reliquū est vitæ vacare Deo  
 possit, animo pacato atque tranquillo:  
 qui vnus finis iustis hominibus est in om-  
 ni vita propositus. *Tibi, inquit, dixit cor  
 meum.* Speciem & tanquam imaginem  
 animi desiderio æstuātis oratio ipsa præ-  
 se fert: & certè magnū illud desiderium  
vacandi

vacandi Deo, & fruendi ipso, quod animo Davidis includebatur, explicare verbis quid vellet, atque eloqui ipsum satis non sinebat. *Tibi dixit cor meum.* Nec plura addit, sed rursus alio ex principio. *Ex-qui fuit te facies mea.* Quod ipsum etiam in absolutum reliquit. Tertio atque tandem. *Faciem tuam Domine requiram.* Sed quò ille minus verbis explicuit, quid fuerit loquutus cù suo animo, quid ve quæsierit oculis atq; mète, eo amoris sui magnitudinem, & quantis incenderetur & adureretur charitatis ignibus magis declarauit. Modice enim, vel intra modum potius amat, qui, quod amat, quantumque amat liberè eloqui, & quamuis copiosè exornare verbis potest: ille ardet, qui exorsus dicere in medijs verbis institit, qui abrumpit institutam orationem, qui nihil enucleatè explicat, sed confundens omnia atq; permiscens, quæcumque amor illi suggerit atq; dictat, quæ sunt planè innumerabilia, vno tēpore, vnoque etiam verbo conatur cuncta eloqui.

& quamuis nihil satis explicet, eloqui-  
 tur tamen omnia. quod Dauidi vsu ve-  
 nit hoc loco. Nam ista veluti reticentia,  
 & istis quasi singultu interruptis ver-  
 bis, quid, quod illi in animo esset dicere,  
 in explicatum, aut indictum reliquit, *Tibi*  
 enim inquit, *dixit cor meum*. Id autem est  
 (vt tentemus ipsi modo, si tamen id asse-  
 qui vnquam poterimus, pluribus expli-  
 care verbis, quæ Dauid vno penè dicam  
 verbo conclusit.) hoc itaque est, ad te  
 vnum suspirat, tecum perpetuò loqui-  
 tur, & alijs mutus cor meum ad te clama-  
 re nunquam desistit. Te ita amat, vt quo  
 te appellet, satis apto ad ardorem suum  
 explicandum nomine, non inueniat. Tu  
 pater illi, atque adeò mihi es: tu salutis  
 dux, tu lumen, tu vita, fœlicitatisq; om-  
 ninò meæ princeps atque Deus solus tu.  
 De te solo cogito semper: tibi vni suppli-  
 co: canendi de te, finem nullum facio. Nec  
 solum te meum appetit cor: oculi etiam  
 ipsi mei, tuam ubiq; faciem requirunt.  
 Qui sanè oculi quocumque se cōuertūt,  
 quod

quòd te non vident, nihil arbitrantur se vidisse. Sed me nullus deterrebit labor à te requirendo, tantum ipse nolis auersari me, & abs te iratus repellere, quare sequitur.

*NE abscondas faciem tuam à me, ne declines in ira à seruo tuo.*

QVI alium auersantur, ei cū occurrunt, faciem atque oculos aliò conuertunt. Declarat igitur rem ex habitu, dicens: *Ne abscondas faciem tuam à me.* Id est, ne me auerseris. quæ loquendi ratio propria videtur esse harum literarum, in quibus etiam sæpè ponitur facies pro auxilio, & fauore Dei. Sed cur metuebat sanctus Dauid, ne se Deus mutata voluntate desereret, homo non solum de sua erga Deum voluntate optimè sibi conscius, sed de Dei in se amore, tot ab eo acceptis beneficijs, aperta quæ eiusdem voce & testificatione planè certus? Primum, quia nouerat hominis ingenium lubricum esse, & ad delinquendum facile. Deinde, quia nostras nobis volunta



res ita ignotas atque abditas sciebat esse, ut sæpè quid ipsi amemus atque cupiamus statuere nobis cum ipsi vix possimus. Qua propter iure metuebat, ne quod fortè peccatum ad animum suum se incio irrepsisset, seque ignorantem, aut parum certè attendentem maculasset: quod quo magis Deum diligebat eo metuere, aut saltem vereri debebat magis. Nisi si quis illud malit, Dauidem còmunem expressisse morem eorum, qui aliquid ardentè cupiunt. Nam hi optandi atque precandi, ac singula, quæ obstare quouis modo suæ cupiditati possunt, cauendi atque deprecandi modum nesciunt. Itaque Dauid etsi semel iam atq; iterum præcatus fuerat Deum, ne se desertum atque auxilio destitutum relinqueret, tamen ob magnitudinem desiderij atque periculi, sibi ipsi nequaquàm satisfaciens eadem sæpiùs repetit. Ex quo etiam sunt quæ sequuntur.

*AUXILIVM meum fuisti ne derelin  
 quas me nec dimittas me Deus salutis meæ.*

QVO

QVO versu verbis tantum commu-  
tatis dicit fere eadem quæ superiori: il-  
lud nouum quod allegat, quodque ad  
persuadendum Deo arbitratus est vale-  
re plurimum. Illum, videlicet, semper  
ante id tempus auxiliū sibi tulisse, quasi  
ita loquatur, & sentiat minimè diuinæ  
constantiaē atque immutabilitatis esse  
eum deferere ad extremum, quem sem-  
per antea protexisset: neque conuenire  
Deo, vt breui horæ momento perdere  
vellet, tot sua beneficia atq, dona in ip-  
sum Dauidem per tot annos collocata,  
& veluti congesta: quod argumentum  
vrget adhuc. Itaque sequitur.

*QVONI AM pater meus & mater mea  
dereliquerūt me, Dominus autē assumpsit me.*

ID est, assumet ipse ad se, quia dereli-  
querunt illi: nam, inquit, solenne Deo est  
tueri ac protegere miseros quoscumq;  
viderit, & humana ope destitutos ho-  
mines. Nam & ob eam causam digna-  
tur vocari pater orphanorū, & vindex  
viduarum. Tuebitur igitur, & pro suo

me habebit; qui ita sum nudus atque desertus, ut me etiam deseruerint, quibus mea salus charissima esse debuerat parentes mei. Sed occurrit acris quaestio, quomodo verum sit parentes Davidis ipsum reliquisse, cum constet non solū illōs, sed cognatos etiā Davidis omnes, ut primum ei Saul apertum indixit bellum, statim ipsius partes sequutos, omnes fortunas suas contulisse in communionem, eiusdem temporis atque periculi. Sic enim scriptum est: Abijt autē David ad speluncam Odolam, quod cum audissent fratres eius, & omnis domus patris eius: descenderunt ad illum. Fortassè hæc scripsit David in ipsa sua fuga, antequam ei quisquam se adiunxisset. Itaque exponit hīc illius temporis suam solitudinem, nec tam agit de eo quod sibi postea euenit, quam rerum suarum præsentem statum commemorat. Vel certè hæc retulit ad primum suæ ætatis tempus, cū à Samuele in Regē est inunctus. Nam cum esset David natus minimus

mus filiorum Isai Bethlehemitæ, cumq;  
ipsum pater suus videretur negligere,  
quippe quem ruri amandatum, & tan-  
quam relegatum ouium custodiæ desti-  
nasset, reliquis tamē omnibus ipsius fra-  
tribus, qui vt ætate anteibant illum, ita  
indole animi atq; corporis superare ip-  
sum videbantur præteritis, in medio ip-  
sorum Deus per Samuelem illum iuue-  
nem, & penè puerum inunxit, quod erat  
futuræ regiæ dignitatis signum certissi-  
mum. Id igitur dicit, se, quem sui olim  
dereliquerant, id est despectui & con-  
temptui habuerant, vt natu minimum,  
à Deo qui humiles respicit susceptum,  
hoc est, reliquis suis fratribus antelatum  
fuisse: quod cū dicit causam reddit, eius,  
quod proximè dixerat: Auxilium meū  
tu fuisti, idque auxilium exponit quale  
fuerit: nam quod Deus ipsum elegit cū  
negligeretur à suis, in eo auxilio ei fuisse  
aduersus contemptum & despectio-  
nem videri potuit, Dauidi certè ita vi-  
sum fuit, idque hoc loco testatur. Sed

audiamus quod sequitur.

*LEGEM pone mihi Domine in via tua,  
& dirige me in semitam rectam propter ini-  
micos meos.*

SIC VT tulisse auxiliū Dauidi Deus dictus est, quod à contemptu suorum vindicauit illum, sic quod eodem versu precabatur Dauid, dicens: Ne derelinquas me, ne dimittas me. quid in eo sibi vellet, quidve peteret isto nunc interpretatur versu. Petebat enim, nec subtrahēs se se atque lumen, & directionem suam Deus ipsum luce destitutum aberrare permetteret, in huius mortalitatis lubrica, & plena erroribus semita, quod nunc explanat, cum dicit, *Legem pone mihi Domine in via tua, & dirige me in semitam rectam.* Itaque illius versus singula hemistichia declarant subiecti singuli versus. *Legem*, inquit, *pone mihi Domine in via.* Id est, legem, quæ mihi pro duce sit ad ambulandum sine errore in mandatorum tuorum via, ita vt rectà incedens à præscripto legis tuæ nunquam discedā. Sed  
quid

quid est qđ addit? *propter inimicos meos.*

An minus multos, minusq; sibi infestos inimicos erat habiturus David, aut eua-  
surus erat eorum insidias facilius: idcir-  
cò quod ipse per viam legis, & mandato-  
rum Dei inoffensè, & neutram in partè  
declinans, graderetur? Sanè erat, nullaq;  
sunt arma meliora, quæque nos magis  
tueantur aduersus hostes nostros, atque  
defendant, quam custodia legis Dei, ani-  
musque innocens, & omni flagitio, atq;  
peccato abstinens vita: cum contra nihil  
non solùm miseriùs, sed ne imbecillius  
quidem sit peccatoribus & flagitiosis.  
Primum, quia virtute carent, id est ipsa  
animi sanitate atq; constantia: ex quo si-  
cut corpora ægra, nec munus suum tue-  
ri ipsa possunt, & sunt ad omnes offen-  
siones valdè opportuna, sic illi omnibus  
fortunæ telis sunt violabiles. Deinde,  
quia in multorum odia incurrūt neces-  
sario, multosq; qui importunè se, & fla-  
gitiosè gerunt, sibi faciunt inimicos. Ne-  
que enim flagitiosa vita viui, atque duci  
potest

potest sine multorū iniuria. Postremò  
 quod est omnī longè miserrimū, quia  
 suis ipsi vitijs ac peccatis vires quodam-  
 modo, & veluti arma, quibus ipsis nocea-  
 tur, ministrant inimicis suis. Etenim nul-  
 la re ad nobis incommodandum, vel ad  
 nos opprimendum potiùs, neq; paratio-  
 res, neque munitiores, neque magis for-  
 tes efficiantur inimici nostri, quam no-  
 stris ipsorum vitijs. Nam, quis nō faueat  
 ei, qui homines consceleratos, & odio, &  
 ferro persequitur? aut qua in re populū  
 quis magis habeat, non dico approbato-  
 rem, sed impulsorē, & adiutorē, quam si  
 rapacitatem, impudiciā, violentiā, im-  
 pietatē & eiusmodi labes animi atque  
 pestes reliquas in iudiciū vocatas ad pœ-  
 nā, & ad suppliciū rapiat. Omnes enim  
 scelus odimus, etiā illi, qui scelesti & fla-  
 gitiosi sunt, aliorū itē flagitiosè & scele-  
 ratè facta detestantur. Hoc quoniā Da-  
 uid intelligebat, tametsi vitam suam in  
 magnum periculum atque discrimen  
 adductam esse videret, quod ipsum po-  
 ten-



tentissimus obsideret inimicus, ad omnes aditus opponens se, omnesque ipsi salutis vias intercipiens: tamen non induxit animum petere à Deo, deum ut aliquod & tutum, & suis ipsius hostibus ignotum iter ipsi demonstraret, quo ipsorum vires posset, & arma effugere: noluitque; etiam petere, ut suas copias atque opes suppleret, ut æquatis viribus cōtrastare in acie ipse aduersus Saulem posset, & iusto prælio decernere: verum illud solum à Deo postulat, ut ipsum inducat in viam legis suæ, inductumque; deducat, sine aberratione, sineque; prolapsione aut offensione aliqua. Nimirum intelligens hac vna ratione, se à suis aduersariis superari posse, atque vinci, ipsum si prius cupiditates vicissent suæ, ideòque; adiecit.

*Ne tradideris me in animas tribulantium me.*

ID est, ne finas ut abs te deficiens ipse, & ignorationis humanæ lubricas vias ingressus, prolapsusque in eis atque corruens, quod aduersarij mei valdè expectant,

tunt, vulneri excipiendo nudum latus  
aperiam. *Ne tradideris me in animas.* Hoc  
est desiderijs atque libidini inimicorum  
meorum, ne permittas me tradi. Ex pro-  
prietate Hebraici sermonis, in quo pro  
desiderio nomen animæ ponitur. Quod  
autem meminit desiderij inimicorū suo-  
rum, quo inhiabant ipsius haurire san-  
guinem, eo tacitè & artificiosè in suam  
sententiam ipsum Deum magis addu-  
cit, id veluti argumentatus ac dicens:  
æquius multo esse ac Dei bonitate di-  
gnius, ipse vt faueat suis, id est, ipsius Dà-  
uidis iusti, scilicèt, & pij hominis votis ac  
desiderijs, quam vt aliorum, hoc est, im-  
piorum & sceleratorum libidini & cupi-  
ditati obsequatur. Nā quis bonus æquo  
animo ferat, bonos iacere mœstos, im-  
probos verò volitare lætos atq; alacres?  
illos lugere victos, hos victores exultare?  
illos innocentes dimicare de vita scelera-  
tos & iniurios omni metu liberos formi-  
dini alijs & terrori esse? hos bonis circun-  
fluere, illos inopes egere? illorum deniq;  
frustra-

frustrari iusta vota, horum autem impia desideria compleri? eodemque pertinet quod sequitur.

*INSURREXERVNT in me testes iniqui, & mentita est iniquitas sibi.*

NAM eo Dauid hostium suorum personam apud Deum in maius adducit odium, dum præter cætera illorum peccata atque mala, etiam in testimonio dicendo falsitatem illis impingit: quo, quãto eis fuerit iratior effectus Deus, tanto ipsi reddatur magis placatus atque propitius. Quamquam vix reperio, quomodo hoc ad Dauidis personam pertinere possit. Nam quando is, obsecro, legitur falsis testibus circumuentus? Aut, quis vnquam in illum falsus esse testis scribitur? Nam Saulis quidem animum non aliorum criminationes à Dauide alienarunt: sed illius gloria belli artibus parta inuidia ipsum exulcerauit: ex quo mox odium sequutum, & ex odio necis studium, cum animo inclusa diutius contineri non possent, primum ad occultas inimi-

inimicitias manare cœperunt, postremò  
 in apertũ bellũ prorupere: Et cantabant  
 1. *Reg.* 18. in choris, Saul cecidit mille, & David de-  
 cem millia. Non igitur ista satis quadrat  
 in Davidis personã. Nisi fortè Dogæum  
 delatorem hoc loco intelligi voluit: ve-  
 rum is Achimelecho propriè incommo-  
 dauit nõ Davidi. Aut nisi hoc malumus,  
 in aula Regis Saulis fuisse aliquos, qui cũ  
 Davidis dignitati, atque apud Regẽ gra-  
 tiæ, ad quam ex humili breuĩ peruenie-  
 rat, inuiderent: occultè illi obtrectando  
 semper & detrahendo, Saulis animũ ip-  
 sum sua sponte non satis æquum in Da-  
 uidem falsis suspicionibus impleuerunt,  
 & tandẽ odio præcipitẽ egerunt. Quod  
 quamuis non apertè scribatur in libris  
 Regum, tamen satis potest colligi ex il-  
 lo, quod David, Sauli dixisse memora-  
 1. *Reg.* ca. tur, videlicèt, Si Dominus incitat te ad-  
 26. uersus Dauidem placetur sacrificio, si au-  
 tem filij hominum sint maledicti. Sed  
 quoquo modo ista se habeant, illud cer-  
 tè confitendum est, hunc versum aptis-  
 simè

finè posse intelligi de persona Christi, qui nunc Davidis ore apud Deum patrem de ijs queratur hominibus, qui se sceleratè accusarunt, & falsis criminibus obruerunt. In quo illud animaduerti omninò debet, quod cum Christus Iesus, cuius ex persona hunc versum accipimus, oppugnaretur à plurimis, idque varijs modis. Nam alij prodiderunt illum, alij accusarunt, alij comprehendunt, ab alijs apertè tela in ipsum iaciebantur: clam ab alijs subministrabatur: denique damnatus ab alijs, ab alijs cæsus, & cruci affixus fuit: & tanquam in scæna cum fabula agitur, sic in illa Christi causa, & postremò necis crudelissimè actû, alij alias personas gesserunt. Cum igitur tot haberet Christus, tamque varios inimicos, de reliquis omnibus silet. Vnum verò illud genus eorum, qui in ipsum falsum testimonium dixerunt, nominatim accusat: quo nos intelligemus, innocentibus atque bonis hominibus ipsum per se mori, atque ab hoste

interfici non admodum acerbum esse;  
 at cum falsi criminis specie quæsitæ &  
 obtenta, pro nocentibus habiti ad sup-  
 pliciũ rapiuntur, id verò graue illis nimis  
 & intolerandum videri. Etenim duplici-  
 ter fit, vt afficiantur pœna atque morte,  
 boni & innoxij viri: vel ob id ipsum,  
 quia boni sunt, quod accidebat olim san-  
 ctis Martyribus, qui nullum aliud ob sce-  
 lus pœnis subiiciebantur, nisi quod pie-  
 tatis atque Christi fidei veri cultores es-  
 sent: hoc verò mortis genus, boni non  
 modo fugere aut detrectare nolunt, ve-  
 rum adire atque obire etiam eam mor-  
 tem cupiunt, vt potè quæ eos illustret &  
 eximijs gloriæ ornamentis afficiat. Ita-  
 que, vel interimuntur ob id ipsum, quia  
 boni sunt: vel ob verum quidem crimē  
 falso tamen ipsis obiectũ, sceleris dam-  
 nati extinguuntur, quod est iniuriæ atq;  
 calamitatis genus maximũ, propterea  
 quod ad iustitiã extinguendã, nomē ip-  
 sum iustitiæ sceleratè vsurpatur, & sub  
 æquitatis iurisq; persona tecta, atq; etiã  
 commen-

Commendata calūnia, in indignos gra-  
 fatur, nomineque & armis virtutis uti-  
 tur aduersus ipsam virtutem. Itaq; ægrè  
 valdè ferunt boni sceleris sibi notā inu-  
 ri, aut nomen affigi, & pro sceleratis in-  
 terfici, aliàs non grauatè mortem oppe-  
 tituri. Non enim solùm amittunt vitam,  
 cuius ipsi cupiditate minimè tenentur,  
 sed quod charissimum illis esse debet,  
 quales sunt tales videri, quo ex eo apud  
 homines gloria illustretur, & nomē Dei,  
 id illis indignissimè eripitur, virtutisque  
 cultores in parricidarum numero ponū-  
 tūr: iuris verò atq; æqui oppressores vin-  
 dices scelerum atq; ministri sanctissima-  
 rum legū censentur, ex quo extitit etiā  
 in diuino vate & sanctissimo homine ta-  
 lis querimonia. Quare respicis contem-  
 ptōres, & taces conculcāte impio iustio-  
 rem se, & facies hominis quasi pisces ma-  
 ris, & quasi reptilia non habentia du-  
 cem? & factum est iudicium & contra-  
 dictio potentiorū, propter hoc lacerata  
 est lex, quia impius præualet aduersus iu-

*Abac. I.*



stum, propterea egreditur iudicium per-  
 uersum. De quo cum iusti dolent, non  
 tam suam & priuatam vicem dolent,  
 quam publicam virtutis causam lamen-  
 tantur. Malè enim cum virtute imò pes-  
 simè agitur, quotiescunque id euenit, vt  
 boni pro sceleratis habeantur. Nam &  
 reliquorum, qui boni esse student, retar-  
 dantur studia virtutis, & ipsi improbi  
 insolentiores redduntur, ipsumq; adeò  
 virtutis nomen suspectum, & inuisum  
 multis fit: dum sub eo insidias humane  
 vitæ fieri, & capitalia vitia tegi nonnulli,  
 vel credunt, vel suspicantur: tum qui si-  
 bi ipsis videtur dicacioris ansas inde ser-  
 monis arripiunt, ad publicè atque ridi-  
 culè virtuti detrahendū. Vide, inquiunt,  
 quod euasit fucata illa simplicitas, quan-  
 tum sceleris modestia, ac pudore suffu-  
 sus vultus ille tegebat, quid abiecis-  
 se pro Christo omnia, quid austerum vitæ ge-  
 nus coluisse prodest, quid vigilijs sacris,  
 quid ieiunijs, quid assiduo precandi stu-  
 dio proficitur: siquidem illis studijs ista  
 monstra

monstra gignuntur? ita ne hoc agebatur illo sacrarum literarum, atque Theologiae disciplinae indefesso studio? abeat litera, facessant pietatis studia. Ille vivit rectè, qui, quod ille dixit, vixit, dum vixit bene. Huiusmodi illi, falsa illa quidè, scelerata impia, quis neget? Neque enim virtus sui dissimilis esse queat, aut ex aliorum sermonibus naturam suam & ingenium mutet, quamvis accusetur criminose. Itaque falsa omnia, attamen ista falsa, veras interdum & nimium dolendas strages in castris virtutis edunt, verasque calamitates bonis viris important. veras inquam quomodo vulgo iudicatur de bonis malisque: nam iusto & innocenti homini, quamvis falsis testibus oppresso, quamvisque malè pereunti, nihil mali accidit, si ad diuinæ examen rationis nostra iudicia reuocemus. Nam in paucis, ut scriptum est, vexati, in multis bene disponentur: quoniam Deus tentavit illos, & inuenit eos dignos se. Ergo illi quouis modo cadat alea, beatierunt

Sap. 4.

atque foelices: delatores contra & falsi testes, etiam eo ipso tempore cum se vicisse latantur, sunt infœlices, & miseri. Neque enim sit falsum quod sequitur.

*ET mentita est iniquitas sibi.*

ID est, aduersum se mentita est, in suum quæ ipsius caput recidet, quidquid contra innocentiam falso commenta est. Nam licet conniuere interdum Deus videatur, & suorum obliuisci: tamẽ quam à se ipso, bonitateque sua discedere non potest: tam nequit nõ patrocinari innocentibus. Itaque posteaquam illos in cæpum, & tanquam in aciem deductos, calumnijs & impugnationibus malorum hominum paululum exercuit, tandem aperit & in lucem profert insidiosas impiorum artes, eosque frangit atque debilitat: ut si hic, id est, in huius seculi breui vita id interdum negligit facere, in publico certè totius orbis atque omnium quicumque vnquam fuerunt conuentu hominũ, est cumulatò facturus, quod cum fiet, mendaces, atque falsi testes tur-

pissimis suorum criminum notis iniusti,  
pœnisque subiecti in odio atq; infamia  
erunt sempiterna. bonis verò per calum-  
niam oppressis non solum suus restitue-  
tur honor, sed vita etiam immortalis &  
gloriæ plena reddetur. Vnde consenta-  
neè sequitur.

*CRED O, videre beatam Domini in terra  
viuentium.*

*NAM* vtcumq; in hac mortali vi-  
ta, & in hac terra, in qua non tam vita vi-  
uitur, quam ad acerbos fortunæ casus  
subeundos, spiritus ducitur, atque pro-  
pagatur, cum bonis viris actum fuerit;  
siue aduersarios suos illi vicerint, siue ab  
eis victi ceciderint: certum est fore, vt cū  
ab his locis discesserint in cœli regioni-  
bus foelici fruantur, atque beata vita.  
Sunt qui terram viuentium hoc loco Iu-  
dæam dici putent: quo certè nomine ab  
Esaiâ & Ezechiele vatibus non semel ap-  
pellatur. Appellatur autem sic propter  
ea quod multū præstaret cæteris orbis  
regionibus ea terra, eorumq; ad vitam

*Esa. 153.*

necessaria sunt, & copia, & bonitate atque ob id maximè sacri vates viuētium terram nominarunt ipsam, quia in ea vnà verus Dei retinēbatur cultus; reliquis omnibus populis idola colentibus. Ab ea igitur, quia nūc exulabat David, & sperabat, quod illi pollicitus fuerat Deus, suum in eam gloriosum futurum reditum, eo ipsum dicere, sperare se visurum bona Domini in terra viuētium, hoc est, in ea terra, in qua, & quod ad vitæ copias attinet abundanter, & quod ad Dei cultum & religionem pertinet, sanctè viuitur se visurum bona Dei; id est adepturum promissa sibi à Deo bona, hoc est, vt id tertio interpretet, delictis ipsius omnibus inimicis gloria & imperio potiturum, & quod ipse plurimi faciebat habiturum facultatem ad eundem tabernaculum Dei, eiusque ipsius laudes in eo suis comprehensas, carminibus decantandi. Probabiliter quidem hæc, atque adeò ad ipsam rerum gestarum fidem verè dicuntur: sed vt probabilia

ista sint, tamen mihi verius apparet, terram viuentium hoc loco cœlum ipsum dici, & eo perueniendi spe sanctum Dauidem ægritudines suas lenire. Nam & ipsa Iudæa, si quo loco terra viuentium appellatur, ob id appellatur maximè, quia illius pleræq; diuinitus relata erant, ad cœlestis patriæ statum adumbrandū & significandum: præterquã quod omnis illa Dauidi in patriam restituto promissa regia fœlicitas caduca erat, atque terrena, & non satis profectò digna, quã vates diuinus, sanctissimus certè vir tanti faceret, vt eius yna spe, vel in medijs malis se beatum ac fœlicem putaret, ac diceret. Quid? quod terra viuentium si Hebrææ vocis numerum & sonum reddamus, terra vitarum interpretanda est. Terra autem vitarum, haud dubiè augustius nomen est, quam vt vlli terrenæ regioni possit conuenire, aut ei satis aptè tribui, propterea quod hæc, quæ incolimus terrena loca, quamuis & cœli clementia, & soli vbertate beata, mortis &

morte peiorū malorum domicilia sunt:  
 non vitæ, foecunda loca: tantumque ab-  
 sunt ab eo, vt iucundè & tranquillè vi-  
 uendi, aut ipsa habeant, aut nobis dent  
 varias atque multiplices vias, vt vnum  
 hoc vitæ, quod hîc vitutur genus, mor-  
 tis multo plus quam vitæ habeat, vt po-  
 tèt quod non solùm festinet ad interitū,  
 verū etiam interat omnibus horis: vt  
 illa non dicam mala, morbos, dolores,  
 ægritudines fortunæ acerbitates, quo-  
 rum istæ regiones valdè sunt quidem fe-  
 races. Illa itaque sola regio, vitarū &  
 sit, & appelletur terra, in qua malorum  
 expers vita producitur per æterna tem-  
 pora: vbi qui viuunt geminam, & vtram  
 quē foelicitissimam vitam viuunt: vbi &  
 viget animus, & viuit corpus, animus,  
 quia videt atq; possidet, nullo tempore  
 amittendum Deum, in quo vno maxi-  
 mē animi vita cōsistit: corpus verò quia  
 abest ab eo, non solū in morbus, & dolor,  
 sed & moriēdi necessitas omnis, atq; cau-  
 sa: adestq; rursus, atque inest ei, summa  
 &



& pulchritudo, & agilitas. quæ sunt certè eximia illa & præclara bona Dei, quæ sanctus David, & videre cupit, & dicit se sperare visurum in terra viuentiũ. Quorum spe bonorum freti sancti homines, æquo animo præsentia mala ferunt. Et quando acrius ipsa eos vrgent secum, & cum animo suo ita loquuntur. Leue esse. & ad momentum tẽporis durans, nec tam re ipsa, quam nomine acerbũ, quid, quid id est mali, qđ patiũtur, in quo perferendo fortitudinẽ suã, & pietatem erga Deum spectari ab eodem ipso Deo: qui paratus cum sit, idq; pollicitus fuerit ipse, pro malorum patientia, proq; vita mortali, & terrena amissa, dare immortalẽ in coelo, atque beatã vitam, nimis angustĩ, nimisq; pusilli, atque adẽ abiectioni animi esse, quæ tam paruo veneant, tam eximia bona emere nõ audere. Itaque se ipsi confirmant. Sed adsunt cateruæ impiorum, & vt sibi videntur, callidorum hominum ista omnia irridẽtiũ, & miserorum hominũ solatiũ appellantiũ,

tium, itaque dicentium. Nec vera illa esse, nec verosimilia vllō modo, stultitięq; prorsus atque dementiæ condemnandos esse eos, qui, quæ vident atq; sensibus suis percipiunt, neglectis, quæ nunquam sunt, certè quæ nemo hominum dicere audeat se vidisse, ea sequantur atque ament. Quorum aduersus voces atque opiniones impias, quo in sua persona armaret Dauid, atq; præmuniret omnes bonos, quicumque vnquam futuri sunt, pulcherrimum hoc suum carmen, tali fine conclusit.

*EXPECTA Dominum & viriliter age, & confortetur cor tuum, & sustine Dominum.*

QVA expolitione sermonis, & in eandem sententiam tot repetitis verbis acriorem adhortationem fecit. Ex quo etiam intelligimus, quam sit difficile stare iustos in acie fortes & iniunctos, quando non solum aduersus illos fortuna pugnat, sed etiam perditorum hominum, quorum est maxima multitudo praua iudicia

indicia insurgunt, telaq; in illos omnes  
iacunt: Deusq; ipse interim subtrahe-  
re se se illis videtur, neque auxilij sui atq;  
fauoris lumen ipsis prætendere. Nisi  
enim in magno desperationis & ad im-  
pios defectionis periculo versarentur,  
tam acer in adhortando David, tamq;ue  
vehemens prosectò non fuisset. Itaque  
quemadmodum cum quis aduerso flu-  
mine, aut lembū remis agit, aut seipsum  
natau propellit multis è littore spectan-  
tibus ipsum: si quando id accidit, vt flu-  
ctui ipso & rapiditate fluminis obrutus  
retrò in præceps feratur, ipsa magnitudo  
periculi, non solum intentos spectatores  
reddit, sed etiam auxilij ferendi cupidos.  
itaq; illud vnum certatim omnes quod  
possunt, ne cede, vince, supera, magnis  
clamoribus iterare non cessant: sic hoc  
loco David ad omnes eos, qui in acie  
acriter dimicantes interea dum cuncta-  
tur Deus, seq; ipse continet, grauiter sub  
armis laborat conuersus, eisq; animum  
addens, ita fatur: *Expecta Dominum.* &  
iterum.

iterum. *Viriliter age.* & tertio. *Confortetur*  
*cor tuum.* postremo atque tandem. *Et sus-*  
*sine Dominum.* Et profecto, verum si quæri-  
 mus, quod bonos & innocentes homi-  
 nes, dum ab alijs iniuriose premuntur,  
 maxima sollicitudine afficit: quodque  
 eos lædit maximè, & periculo cadendi, &  
 à patientia ac pietate deficiendi, propio-  
 res facit: non tam ipsa per se, quæ patian-  
 tur mala sunt, quam illud vnum quod  
 infirmitate quadam ingenij, & conditio-  
 nis humanæ, vel omnino non curare  
 Deum humana res: vel certè suas ipsorum  
 negligere, offensumque aliquo eorum  
 peccato, quod ipsos lateat discessisse ab  
 eis illi, ipsosque tradidisse inimicorum  
 suorum libidini vexandos atque perden-  
 dos, non quidè illi planè iudicant, sed ad  
 id ut iudicent, & rerum ipsarum indignitate  
 & acerbitate quas tolerant, & ignoratio-  
 ne sui ea, quæ est humano generi pro-  
 pria, & verò opera & studio dæmonum  
 id maxime cupientium persuadere nobis,  
 & propterea nostris cogitationibus sa-  
 pe

pè id sub  
 multis h  
 cuntur &  
 voces. N  
 pene eff  
 super in  
 Et rursum  
 meum  
 meas, &  
 gatio n  
 person  
 minus.  
 tur qu  
 erat, ac  
 vnijs  
 ynum  
 disse se  
 magn  
 ille à  
 aut or  
 vel su  
 omni  
 tolera  
 ad se

pæd subijcientiū, nosque implentium  
 multis huiusmodi suspicionibus indu-  
 cuntur & impelluntur. Ex quo sunt illæ  
 voces. Mei autem penè moti sunt pedes: *Psal. 72.*  
 pene effusi sunt gressus mei, quia zelavi  
 super iniquos pacem peccatorū videns.  
 Et rursus. Ergo sine causa iustificavi cor  
 meum, & laui inter innocentes manus  
 meas, & fui flagellatus tota die, & casti-  
 gatio mea in matutinis. Illaque Esaiæ ex *Esa. 49.*  
 persona populi Dei. Dereliquit me Do-  
 minus, & Dominus oblitus est mei. Igi-  
 tur quod illorū animos maximè discri-  
 ciat, id est, quod à gratia Dei, ad cuius  
 vniuersi confugerant præsidium, & in quem  
 vniuersi contulerant omnes suas spes ceci-  
 disse se suspicantur. Cuius rei in Christo  
 magnū extat exēplum. Nō quidē quod  
 ille à Deo, hoc est, à se se desertum se esse,  
 aut omninò posse deserī, vel putauerit,  
 vel suspicatus fuerit vnquā: sed quoniā  
 omnium earum rerum, quæ acerbæ &  
 toleratu difficiles videntur esse, sensum  
 ad se, & affectum traduxerit. Is igitur cū  
 in ea

in ea humili specie, quam ex nobis, pro nobis assumpsit grauissimas iniurias, & tormenta acerbissima pertulisset: ad cætera tacens, ac propè mutus, illud vnum, quod se pater suus obliuisci esset visus, questus est intenta & lamentabili voce: Deus, inquit, Deus meus, vt quid dereliquisti me? Quocirca, quo id acerbius ferunt iusti, eo oportuit magis, vt eos Dauid iterum atque sapiùs adhortando ad perferendum, & constanter agendum, Deumque in primis, quamuis longas moras trahentem expectandum erigeret; atque incitaret. Quod autem sæpè iam dicimus morari Deum, & lente agere, & vix tandem ad iustis opitulandum adduci, id non tam ex re ipsa verum esse intelligendum est, quam ex hominum opinione atque desiderijs. Nam Deus ipse, quoniam cuncta latè videt, & sapientiæ quadam immensitate omnium temporum res gestas, earumque inter ipsas consensu, atque nexus, & quid cuique conueniat, & quo quidque agi tempore, quo ve

omitti

omitti oporteat, vno aspectu intuetur,  
suo quamcunque rem loco, suoque  
& opportuno tempore scientissimè &  
prudenter facit. At hominis exi-  
gua & angusta mens, vt potè que ne-  
que tam longè, latèque prospicere, ne-  
que vno simul tempore cogitatione tot  
res comprehendere, neque si compre-  
hendat, inuicem conferre ipsas inter se  
possit, ex sua ipsius exiguitate tempus  
Deo, atque modum iudicandi, & pœnas  
de hominibus sceleratis sumendi statuit  
atq; præfinit, quā nostrā præfinitionem  
atq; præscriptū: quoniam Deus meliore  
consilio sæpè negligit atq; trāsgreditur:  
ipsum morari, atq; lento gradu incede-  
re, videri nobis dicimus: ita quidē certè  
loquimur, cunctatoremq; & lentum, &  
procrastinatorē vocitamus illum. Atq;  
vbi accidit, vt qui ista Deo definimus iu-  
dicandi & auxilij ferēdi tempora in ma-  
lis ipsi atq; asperis versentur rebus, quo-  
niam omnis & dolor corporis, & agri-  
tudo animi dilationis est impatiens, nisi

H . pre-



precantibus nobis, & adiuuari nos ab ipso petentibus continuò adsit ipse Deus, & ex nostro desiderio calamitati, quam patimur, modum imponat, negligi nos ab eo arbitramur, nosque proinde miseros dicimus, nostrasque querimus & lamentamur perditas & profligatas fortunas. Quare tales qui sunt, ij profectò sæpiùs sunt admonendi Dauidè vt audiât, Deumque; quamuis morantè expectent atque sustineant: vt non ex animi eorum libidine, aut ex angustijs mentis suæ, Deum vel irasci, vel deponere iram velint: vt quando ipsis auxilij ferendi tempus præterisse videretur, ne aduenisse quidem illud, satisve adhuc esse maturum existiment. denique, vt cognoscant atque considerent quid nobis expediat, quidve secus nescire sæpè nos: Deo autè ipsi cognitum id, & exploratum esse. nec segnè illum esse aut pigrum, neque imbecillum, aut timidum, nobis vt benefacere, aut nolit, aut nequeat. exerceri virtutè atque illustrari patiétia malorum, vitia, quæ sunt labes animi aduersorum

acerbitatibus elui, pro terrenis rebus & citò perituris amissis, bona diuina, & eterna reddi solere: nihil deniq; lōgum esse finē quod habeat. & certē quo malorum tanquā tēpestas maior, magisq; sēua fuerit, eo maiorē tranquillitatē & serenitatē futuram. sperantium in Deo & fortiter ad extremum vsque contēdentiū foelicissimos exitus semper fuisse. denique non si ea mala quibus afficiuntur acerba ipsis & nō ferenda videntur, Deo ipsi, cuius falli nō potest iudicium perinde grauiā videri: nomine mala prādicari, re ipsa beatæ vitæ seminaria esse. Hieremiā vatē illud verē scripsisse. Bonum *Hiere. 31*

est viro cum portauerit iugum ab adolescētia sua, sedebit solitarius & tacebit, quia leuauit se supra se, ponet in puluere os suum, si fortē sit spes, dabit percutiēti se maxillā, satiabitur opprobrijs, quia nō repellet in sempiternū Dominus, quia si abiecit & miserebitur secundum multitudinē miserationum suarū. non enim humiliavit ex corde suo, & abiecit fi-

lios hominum. ATQVE, vt de alijs tá-  
 ceã, & de me vno, qui hæc cū scribo, car-  
 ceri addiētus & violatæ fidei reus factus  
 maximis premor malis, & agam, & lo-  
 quar, meamq; ad me ipse orationē con-  
 uertā. An quia decimus iam mensis agi-  
 tur, ex quo inimici mei de me triumphū  
 agere cœperunt, & cū apud iudices cri-  
 minando, tum apud homines vniuersos  
 detrahendo & obloquendo, caput meū  
 oppugnare non cessant, & neq; interim  
 leuatio aliqua malorū ostenditur, neque  
 effulget vlla salutis spes, idcirco animū  
 ipse despondeã, & Deū non allaturum  
 innocentiae auxiliū putem? Absit à me  
 absit persuasio tā impia. Nunquam ego  
 pater sanctissime, ne si omnia mala ir-  
 ruant in me, aut minus bene de te iudica-  
 bo, aut oculos meos ab te, aut spē dimo-  
 uebo. Nunquā de te sentiam, nisi quæ d  
 optimo atq; indulgētissimo patre, æqu  
 est sentiri atque credi. Nā vt eorum nū  
 obliuisci bonorū velim, quæ superior  
 bus annis multa atque magna in me cō-  
 tulist

tulisti, hoc ipsum, quo premor, quod  
meū nunc angit animum, in quo seuerē  
mecum videris agere & irati, atq; offensi  
personā sustines, totum ab eximio quo-  
dā amore tuo erga me fateor esse profe-  
ctum. Nā quē exitum vita erat habitura  
mea, quo non progressura impunitate  
ipsa corroborata, nimia mea audacia  
peccandi, si me in ea, quā instituerā, pro-  
gredi via siuisses? aut nisi mihi effrānato  
& cæco, & in præceps ruenti frēnum in-  
iecisses timoris tui? Deliqui, fateor, mul-  
ta miser in te, plurima in me, in reliquos  
homines multa peccaui: intestinæ cupi-  
ditates meæ supergressæ caput meum,  
arcem animi hostibus tradiderunt: pro-  
ditus sum à me ipso. Et cum tu puerū me  
antequā terrenis curis inficerer ad reli-  
giosum vitæ genus, id est, ad te vocauis-  
ses, iuuenē rerum optimarum studio in-  
flāmasses, & iam adulta ætate virum do-  
nis tuis cumulasses, & magnis, & pluri-  
mis, pro tot ac tantis beneficijs malā ipse  
gratiā tibi retuli: nec solū ingratus tibi

fui, sed etiam quod in me fuit, mihi ipsi exitialis. Nam, quid, aliud promerui, quā vt sceleris damnatus, poenisq; addictus me obrueres sempiterna obliuione? Sed, quā te cōpulit tua bonitas, vt mihi puero nihil dum de te merito olim faceres bene, eadē impulit, vt erranti mihi nunc, & in scelus ruenti, & tua sanctissima iussa ingrātē aspernanti, seueriori poena me tum incuteres. Quo ad licuit, & quo ad fieri potuit benignum te mihi, & indulgentē exhibuisti. at vbi me ista tua indulgentia abuti vidisti, eaque magis in dies corrumpi, malumque quotidie serpere latiūs, medicamentum morbo sanando quod esset aptū mordax, atque acre adhibuisti. ratio agendi variata est, nō commutata benefaciendi voluntas. Nunquā enim inimici mei aduersum me tantum potuissent, nisi tu conatu illorum iniusto abuti velles ad meā salutē. Nā, quid in meos mores minus cadit quā infidelitas? quid ve magis à me alienum, quā à rectā fidei integritate deficere, qui semper

per optari  
omnium  
magis eff  
minum c  
illo lādo  
erat infir  
parte vic  
tiones m  
nunc pa  
tere exci  
bus vera  
in simul  
nunquā  
ea pecc  
ista acti  
corrupt  
interire  
numen  
tus dis  
doleo,  
tander  
amor q  
ueritat  
rum m

per optarim, vel capitis, atque fortunarū  
omnium periculo ipsam tueri? Sed quo  
magis esset perspicuū, tuo potiùs quā ho  
minum cōsilio rem istā geri: idcirco nūc  
illo lādor, quod si res ritè expendatur,  
erat infirmissimum ad lādendū. & qua  
parte videbar aduersus hostiles appeti  
tiones maximè munitus & tutus, ab ea  
nunc parte omnia illorum tela nudo la  
tere excipio. Falsis aliorum criminationi  
bus vera peccata mea in me punis, & cū  
insimulari me finis eius criminis, quod  
nunquā commisi, poenas à me exigis; ob  
ea peccata, quæ admisi: & aliorum iniu  
sta actione iustè tu, imò piè & amanter  
corrupto vitijs animo meo, ne funditus  
interirè ferrum atque ignes adhibes. Iā  
numen tuum pater agnosco, iā mihi to  
tus displiceo, & quod te miser offendi,  
doleo, atque discrucior. ignosce pie, ac iā  
tandem placatum redde te mihi: idem  
amor qui imposuit, iam tibi detrahat se  
ueritatis istam personam: haftenus alio  
rum mendacijs ad meā salutem abusus

es, iam saluo me, ac tibi redditto veritas  
 ipsa, sibi vt patrocineris suo quodāmo-  
 do iure abste postulat: vindicatum est in  
 me atque seuitum, pro eo quantū com-  
 merui sanè parum, at pro tua placabili,  
 & in tuos indulgenti natura ferè fatis. iā  
 tuum erit oppitulari laboranti innocen-  
 tia. Recordare Domine filiorum Edom  
 in die Hierusalem, qui dicunt exinanite,  
 exinanite, vsq; ad fundamentum in ea.  
 Quamquā ego illos vscisci non cupio,  
 eos laqueos mihi quos tetenderūt, exue-  
 re opto. semper illos misericordia po-  
 tiùs, quam odio dignos duxi: eosq; , qui  
 iniuriā mihi fecerunt, me qui iniuriā ab  
 ipsis illatam sustineo, esse magis miseros  
 iudico. Sint illi per me foelices, atq; am-  
 pli, nihil obsto: vt mihi ab illorū calum-  
 nijs libero liceat, quam purè erga te fidē  
 seruaui, eius fidei apud homines bonam  
 existimationē integrā retinere, id verò  
 suppliciter postulo. Auxilium, tu mihi  
 fuisti à iuuentute mea, nunc cum maxi-  
 mē deficit virtus mea, ne derelinquas  
 me




me. Esto lux densis tenebris malorū oppresso, esto salus de fama, & de fortunis omnibus dimicanti, dissipa consilia impia, & cēlesti immisso lumine detege mē dacia atque fraudes: meque his eripe malis, creptumque meis, id est, tuis famulis redde: & à mortis locis vindica me ad vitæ regionē. Quod si minus hoc mihi, tuę certē id naturę debes, debes bonitati, debes fidei, debes clementię. mihi namque certum est instare apud te precibus semper: tuas patietissimas aures meis querelis obtundere: non quiescet pupilla oculi mei, & quāuis sæpè repulsus, sæpius clamabo. Domine vim patior, respōde pro me. dabis instanti, quod denegas peccatori. idque cum dabis plurimorum, qui mea causa laborant, grata ora in tuas laudes resolves, qui vnus sempiterna laude dignus es verē vnus, & verē trinus  
Deus: Amen.

\* \*  
\* \*

*SALMANTICÆ,*

*Excudebat Lucas à Iunta. Anno*

*1 5 8 2.*





# INDEX RE- RVM QVAE IN HIS EXPLANATIONIBVS CONTINENTVR.

*Numerus folium indicat.*

## A



DVERSVS fictam imputa- tionem Lutheri.	166
Allegoriæ duplex genus.	1
Allegoricè scripta duplicem ha- bere sensum.	2
Allegoricè scripta diuidi in sonum, & senten- tiam.	2
Allegoriæ non omnia transferenda esse, ad id quod subest.	3
Allegorias ipsos scriptores interdum inter- pretari, interdum distinguere notis rerû, de quibus verè agunt.	16
Alma Hebræis quid.	35
Amatores Dei duabus rebus ab amando im- pediri.	187
Amantes quid rerum natura ferat, non sem- per attendere.	12
Amantes rerum à se in amore gestarum com- memo-	

# I N D E X.

memoratione gaudere.	261
Amoris tres grad <sup>9</sup> in hoc cātico explicari.	26
Amoris singulos gradus constare vocatione, desiderio, probatione, illapsu: amatorio sermone, raptu.	28
Amorem erga Deum ipsa tractatione rerum diuinarum augeri.	55
Animæ humanæ tres esse partes.	49
Animam agentem cum Deo ipso colloquio perfici.	163
Animarum duo genera sagacissima ad odo- randum Deum.	35
Arabice seræ descriptio.	172
Argentum in arcano sermone quid.	127
Aurum in arcano sermone quid.	201
Aurū trib <sup>9</sup> nominibus vocari ab Hebræis.	202

## B

<b>B</b> AHALAMON vineti nomen.	266
Bonos aduersis magis esse obnoxios.	271

## C

	(200.
<b>C</b> ANDOR in arcano sermone quid.	
Canales quid translātè significant.	244
Capillos nigros in Orientalibus regionibus formosos haberi.	138
Capilli in arcano sermone quid.	149
Cedrus	

# I N D E X.

Cedrus in arcano sermone quid.	128
Cella vinaria in arcano sermone quid.	71
Certamina eorum qui amant Deum esse dispersaria pro ratione cuiusque gradus.	110
Charitatem quæ optat Dei causa optare.	39
Charitatem Dei potius. declarari quod pro inimicis mori voluerit.	273
Christianam virtutem, & humilem, & excel-	
sam.	355
Columbas syriacas præstare nitore oculorum.	20
Columba in arcano sermone quid.	93
Columbarum in amando mores & ingenium.	83
Colles in arcano sermone quid.	154
Collum in arcano sermone quid.	157
Copher quid.	20
Consolari pro dolere Hebræos ponere.	267
Conuiuas Hebræos vnguento perfundere in ipso accubitu.	20
Currus AEgyptios nobiles tempore Solomonis.	11
Cultum externum ex interiori fluere.	157
Cyprus arbor Iosepho.	21
Cyprus in arcano sermone quid.	63

## D

<b>D</b> ELICTA perfectorum esse propè im-	
medicabilia.	280
Dentes	



# I N D E X.

Dentes in arcano sermone quid.	134
Deum quo magis illi se animus submittit eo intimius in ipsum illabi.	184
Deum in maius prouehere eos qui quæ acci- piunt ab ipso bona ritè collocant.	90
Deum cum augeat gratiam, augere etiam vir- tutem humilitatem.	96
Deum duobus modis intrare in animam iu- sti.	193
Diabolus quos occultè, & quos apertè ad pec- candum inducat.	97

## E

<b>E</b> C C L E S I A M permanere perpetuò in vno certo & delecto populo non esse necesse.	125
Ecclesiæ ætates quatuor fuisse declarantur.	210
Ecclesiæ ætatem vltimam fœlicissimam futu- ram in bonis gratiæ.	213
Elate quid.	178
Electa Hebræos procera quæ sunt voca- re.	181
Eloquium quid propriè.	174
Engaddi vrbs ad mare mortuum.	18
Esbon vrbs, in sorte Ruben.	241
Euangelicæ legis ratio simplicior quam Mo- saicæ.	45
Ex desiderio timorem & spem nasci.	48
F O E M O -	

# I N D E X.

## F

<b>F</b> OE M O R A in arcano sermone quid.	(251
Fiduciam aduersis augeri.	40
Fides Dauidis quanta.	41
Filiæ Hebræis quæ dicantur.	222
Fugere, profestinare Hebræis.	267

## G

<b>G</b> ENAE in arcano sermone quid.	204,
Gladius in arcano sermone quid.	123
Gradum proficiētium veris appellatione significari.	93
Greges pecudū in arcano sermone quid.	57
גל Guil quid propriè.	46

## H

<b>H</b> ARVZIM colli ornamentū quale.	12
Hieronimi sententia de significatione çama, vtrū probari debeat.	134
Hebræos in amatorio sermone dicere solitos mi rex, mi frater.	6
Humalhazen, Arabicum capitis ornamen- tum quale.	12

## I

<b>I</b> ANVA in arcano sermone quid.	282
In incarnatione omnes virtutes Dei elu- cere.	129

§ Inci-

# I N D E X.

Incipientes in amore Dei, quo genere voluptatis perfundantur.	33
Incipientium amor erga Deum imperfectus.	33
Incipientes quare nigri dicantur.	47
Incipientes viuere in cōuentu aliorum oportere.	58
Infirmorum salutis cura sollicitari perfectos.	282
Iusti in tribulatione positi quid faciant.	114
Iusti quare dicti vbertatum flores.	86
Iusti quare rebus aduersis torqueantur.	113

## L

<b>L</b> A V D E M ex iustorum bonis operibus Deum sibi vni velle tribui.	184
Lybanus alius in Iudæa, qui & saltus Lybani.	143
Lybanus mons, quare transferatur ad Christum significandum.	207

## M

<b>M</b> A Z E G Hebræis quid.	241
Meghaim Hebræis quid.	205
Métiri pro subijcere se victori Hebræis.	267
Meretrices olim capite inuoluto in viarum biuijs residere solitas fuisse.	10
Meritum bonorum operum aduersus Lutherum defenditur.	165
Meri-	

# I N D E X.

Meritorū Christi efficacia, & vera laus.	166
Mefarim de vino dictum Hebræis quid significet.	246
Myrrha transiens quid.	174
Myrrhæ flores qui.	19
Myrrha in arcano sermone quid.	20
Murus in arcano sermone quid.	281

## N

Nyr Hebræis quid propriè.	20
Nardus vnguentum quale.	17
Nardus in arcano sermone quid.	61
Nasus translattè quid.	242
Naturæ & gratiæ ingenium explicatur.	191
Nox in arcano sermone quid.	109

## O

OBTURATIONIS quæ sit ratio.	(76
Oculi iu arcano sermone quid.	63
Odor translattè quid.	34
Odor in arcano sermone quid.	184
Officij Christiani descriptio.	40
Oratio virtus Christianorum propria.	157
Orationis perfectæ conditiones.	158

## P

PAX per Christum constituenda qualis.	230
Peccati fons & origo.	49.50.
	¶ 2 Pedes

# I N D E X.

Pedes in arcano sermone quid.	249
Perfecti cur vrbi similes.	228
Perfectos paucioribus rebus egere vt induci in amorem Dei possint.	44
Perfecti quanta animi pace fruuntur.	229
Perfectos & palam & semper amare Deum cupere.	290
Poeticæ præstantiam in imitanda natura con sistere.	73
Prælati mali, quantū noceat populo Dei.	197
Prælati quo fortitudinis genere præstare de beant.	122
Promissio de Christo nascituro, facta primis parentibus quot modis Dei erga homines amorem declaret.	291
Purgatoriæ virtutis quod sit munus.	59
Purgatoriæ virtutes, quare odoratæ dicantur.	62
Purpura in arcano sermone quid.	128

Q

**Q**UO die peccauit Adam eodem iacta  
fuisse salutis nostræ fundamēta. 292

R

**R**VBOR in arcano sermone quid. 201

S

**S**EPTVAGINTA viri qui ambiunt  
lectulum Solomonis, in arcano sermo  
ne

# I N D E X.

ne quid.	122
Similitudines huius libri cū interdum nobis perabsurdæ videantur.	133
Sol in arcano sermone quid.	54
Splendor virtutis se ipse prodit.	116

## T

<b>T</b> HEOLOGIAE cognitiouem Epi- scopis esse necessariam.	124
Tharsis lapis pretiosus.	181
Thirsa vrbs régia.	219
Thus in arcano sermone quid.	162
Trahere quid propriè.	37
Tria cellaria ad quæ incipientes introducun- tur.	42
Turtur in arcano sermone quid.	61
Turtures hyeme à Palæstina recedere.	82
Turtures ornamentum muliebri apud He- bræos.	17
Turtures quod, & quale ornamenti genus. ibidem.	

## V

<b>V</b> BERA in arcano sermone quid.	230
Verba alia pro alijs ponere Heb. cū res affines significant.	267
Vere excitari animantia ad cantum.	81
Vocationis primæ ad iustitiam, & aliarum vo- cationum discrimen.	28

# I N D E X.

Voluptatis ostentatione Deum peccatores ad iustitiam solere vocare.	33
Vt conueniant inter se corporeus & incorpo- reus amor.	74
Vulpibus abundare Iudæam.	84
Vulpes in arcano sermone quid.	97
Veros Christi cultores aduentum illius opta- re atque petere.	297
Vltimi aduentus Christi spe in aduersis bonos sustentari, & eius memoria gaudere.	299
Vltimi aduentus Christi mentionem acer- bam impijs, formidolosam dæmonibus esse.	301
Velatos religionis nomine inimicos veræ Christianitatis multos latere.	300

# F I N I S.





# ERRATA SIC EMEN- DENTVR.

<i>Fol.</i>	<i>Pagi.</i>	<i>Lin.</i>	<i>Lege.</i>
32.	I.	12.	deceptam.
62.	I.	17.	exposita.
104.	2.	13.	proprio.
116.	I.	19.	adoleuit.
134.	I.	20.	47.
144	I.	23.	mollius.
159	I.	18.	iusta.
159.	I.	19.	magnitudine.
160.	2.	8.	referuntur.
171.	2.	8.	causam.
225.	I.	14.	exposito.
233.	2.	14.	quonam?

